



嘉言

備惟德動天無遠弗届○德無常師主善為師○君子成人之美不成人之惡○已所不欲勿施於人○有德則樂樂則能久○為善者不改其度故能有濟也○善者曰禍而為福○有陰德者必饗其樂以及子孫○為善最樂○仁勝凶邪德除不祥○瑞生必於嘉士福至實由善人○積土成山風雨興焉積水成淵蛟龍生焉積善成德神明自得聖心循焉○積無小而不聞行無隱而不彰玉在山而木潤淵生珠而崖不枯為善不積耶安有不聞者乎○君子務脩其內而讓之於外務積德於身而處之以遵道如是則貴名起之如日月天下應之如雷霆○有陰德者必有陽報○德善日積則福祿日臻○救災恤隣道也行道有福○體道合德尊鬼神之福祐○為善不求人知者謂之陰德故其施廣其惠博天報必豐也○有陰德者其後必大○為人作善方便者其後受惠○積金以遺子孫子孫未必能守積書以遺子孫子孫未必能讀不如積陰德於冥冥之中以為子孫長久之計○但存方寸地留與子孫耕

勸善書卷之十一

陰施陽報弘廣無量○造善於陰德報於顯○處心正直積累陰功感動穹昊○給濟貧病撫恤孤惻常以仁慈居懷恒將惠愛為念○信善作福積善不厭信知陰德久而必彰○見諸病人施其湯藥令離痛苦命終生欲境天○立德闇昧之中而慶彰萬物之上○若見一切病人常應供養如佛無異八福田中看病福田是為第一○開通道路興置橋梁一念善回愛天人之快樂證佛祖之真源○曠路作好井橋船度人民功德日夜增常生天人中○日日行方便時時發善心○有心無相相逐心生有相無心相随心滅

人有一善百神俱泰人有十善司命諸筭人有百善東華注名人有千善福及七祖萬善既備白日登宸○天上人間方便第一○皇天不負好心人○慈為萬善之本心若不慈善何以立○有德行者必有昭名○在世積善長行陰騭者鬼神敬之五福隨之○若人積善天神扶衛魂超福境○陰功可延其壽吉人依舊無凶○若非積行施陰德動有群魔作障

緣○於力到處種種方便則陰德無量而受報如之矣○隨時應物行方便縱犯凶星亦不虞○以慈悲為本親一切物常行不忍世人痛苦如在戒身常行慈悲心自成無上道○非積善陰德不足以感神○善濟物而不以為德○重積德則無不克○儲勲夙世累行昨生故得玉府登庸瓊宮簡錄○陰濟良善則有福報○汝欲登科須憑陰德○有陰德者徑補仙官○學道者廣行陰德救人危難○與人方便自己方便○積道德者天與之地助之神輔之○人能刻意為善靜與道合動與福會○所謂善人人皆敬之天道佑之福祿隨之眾邪遠之

感應

楚孫叔敖為兒出遊而還憂而不食其母問故叔敖泣而對曰人言見兩頭蛇者必死兒今日見之恐死無日矣母曰蛇今安在曰恐他人又見之已埋之矣母曰無憂汝不死矣吾聞之有陰德者必有陽報德勝不祥仁除百禍天之慶高而聽卑爾必興於楚及長為楚令尹以老終漢王忱詣京師於空舍中見一書生謂我當到洛陽而病命在須臾腰下

勸善書卷一

有金十斤願以相贈乞藏骸骨未及問姓名而命絕忱鬻金一斤營殯餘金悉置棺下人無知者後歸數年縣署忱亭長初到日有馬馳入庭中而止大風飄一繡被墮忱前即言於縣縣以歸忱後乘馬到洛陽馬奔去牽入他舍主人見之喜曰今擒盜矣忱具說其狀主人曰卿何陰德致此忱曰說葬書生事主人驚號曰是吾子也姓名彥大恩久不報天以此彰卿德耳厚遺忱忱辭讓而去由是顯名舉茂才除郟令子孫皆顯于時

後漢弘農楊寶名士也性慈愛年九歲至華陰山北見一黃雀為鷓鴣所搏墮地下為螻蟻所困即懷之安置梁上又被蛇虺所齧乃移巾箱中采黃花飴之毛羽既成朝去暮來積年之後忽與羣雀俱來哀鳴遶寶數日乃去是夕三更寶讀書未臥忽見有一童子向寶再拜曰我是西王母使者往蓬萊過此為鷓鴣所搏君仁愛拯救數承恩養實感恩惠今當受使南海不得朝夕奉侍流涕辭別以白環四枚與寶曰令君子孫潔白位登三公後當如此白環矣於是遂別寶既孝聞天下名位通顯生子震震生秉秉生賜賜生彪四世三公為京師威族果應白環之數天下無比及楊

震莖有大鳥隨之。時人以爲貞孝所招。陳留蔡伯喈獨立論云。是黃雀感恩而致也。

唐中書令晉國公裴度。質狀眇小。相不入貴。既屢屈名場。頗亦自感。會有相工在洛中。大爲縉紳所神。公特造問命。相工曰。卽君形神稍異於人。不入相。若不至貴。卽當餓死。今則殊未見貴處。可別日垂訪。爲卽君細看。公然之。他日出遊香山寺。徘徊於廊廡間。忽見一素衣婦人。置縵褶於僧伽和尙欄楯之上。祈祝良久。瞻拜而去。少頃。度方見縵褶在舊處。知其遺忘也。又料其追付不及。遂收取以待婦人。再至。日暮竟不至。度挈歸逆旅。詰旦復携往。寺門始闢。觀昨日素衣疾趨而至。撫聲惋歎。若有非橫。度從而訊之。婦人曰。阿父無罪被繫。昨告人假得玉帶二。犀帶一。直千餘緡。以賂津要。不幸去失於此。今老父不測之禍。無所逃矣。度憮然復詰其物色。回而授之。婦人拜泣。請留其一度笑而遣之。尋詣相者。審度聲色。頓異。驚歎曰。此必有陰德及物。前途萬里。非某所知也。度曰。以前事告之。相者曰。是已。度後果位極人臣。

勸善書卷十一

宋成都運使李之純。專以掩骼埋胔爲念。吏人徐熙。專爲宣力。計其所藏。無慮萬計。一日金華街王生死。復甦。云見冥官曰。爾以誤追。今當還人間。陰司事雖禁泄。露然爲善之效。亦欲人知。李之純葬枯骨有勞。與知成都府一任。徐熙替役有勞。與一子及第。汝宜傳於世間。後皆如其言。

宋李謙嘗值歲歉。出粟千石以貸鄉人。明年又歉。人無以償。公卽對衆焚券。曰。債已償矣。不須復償。明年大熟。人爭償之。無所受。明年又大歉。公竭家資煮粥以濟之。動以萬計。死者復爲瘞之。人皆曰。子陰德可謂大矣。公曰。何足爲德。一日假寐。夢有紫衣人告之曰。上帝知汝有德及人。報在爾後。言訖而去。後謙壽百歲而終。子孫皆爲顯官。

宋韓魏公在政府時。以三十萬錢買女妓張氏。姿色甚麗。卷成。張忽泫然。公問其故。張謝以良家子也。流落至此。不覺墮淚。公曰。爾初不以實告。吾無用尔。命焚券。且逐去。張惶怖。遽吐其情。妾借職。郭守義妻也。守義前歲官湖南。部使者挾私。劾以敗官。今秋高歲晚。實恐盡室餓死。京師。願身役于人。以活守義兒女。公惻然憫之。乃留券。遣張持三萬錢還舍。且令語。

守義敗官果非辜。可許之朝。事白。汝却歸我家。張欣然而去。郭後得辯雪。且得調。准右見闕。張來如約。公不使至前。遣人謂吾位宰相。豈可妾士人妻。向者緡錢。費用應盡。取前日券包金二十星。助汝之官。善視郭氏兒女。張不得見。望門涕泗。感激百拜而去。人咸謂公之隱德如此者甚多。後公薨。贈尚書令。謚忠獻。配享英宗廟廷。復贈魏王。子五人。忠彥繼登相位。端彥右贊善大夫。純彥官至徽猷閣直學士。粹彥為吏部侍郎。拜龍圖閣學士。嘉彥尚神宗女齊國公主。拜駙馬都尉。終瀛海軍承宣使。其孫在徽宗時亦為顯官。隱德之報。豈不信哉。

宋馮京字當世。鄂州咸寧人。其父商壯歲無子。將如京師。其妻授以白金數笏。曰。君未有子。可以此為買妾之資。及至京師。買一妾。立券償錢矣。問妾所自來。涕泣不肯言。固問之。乃言其父有官。因綱運欠折。鬻妾以為償之計。遂惻然不忍。犯遣還其父。不索其錢。及歸。妻問買妾安在。具告以故。妻曰。君用心如此。何患無子。居數月。妻有娠。將誕。里人皆夢鼓吹喧闐。迎狀元至馮家。次早生。京喜讀書。領舉為解元。省試為省元。登第為狀元。

世號為馮三元。

勸善書卷一

四

宋鍾離瑾開寶間宰江州之德化。明年將以女歸許氏。一日諭其胥魁。俾市婢以送女。翌日胥與老嫗引一女子來。問其何許人。嫗曰。撫之臨川人也。幼喪其親。外氏育之。女受嫗戒。亦不敢有他言。君視事少間。歸遇于扉。是女流涕有戚容。疑其家咥挾。詰之。曰。不然。某之父昔魯令是邑。不幸與母俱喪。無親戚以為依。時方五歲。育於胥家十年矣。且將為己女。今明府欲得媵妾。胥與嫗以某應命。適見明府視事。追感吾父。不覺涕零。君大驚。呼胥嫗以審之。果如女言。誠家人易其衣服。養之如己所生。以書抵許氏。告緩期。姑將輟吾女之資。以嫁焉。許亦惻然。復曰。君侯獨能抑己女而拯人之孤女。予固有季子。願得以為婦。安事盛飾哉。卒以二女歸許氏。父之君夢一綠衣丈夫。造庭拜而謝曰。不圖賤息辱賜於君。今得請於帝。奉十任有土官。故來致命。後果歷十郡太守。終於江淮發運使。後鍾離氏有仕籍于朝者常十餘。皆出君之裔。故世為冠族。

宋魯魯公公亮布衣遊京師。舍於市側。聞旁舍泣聲甚悲。詰朝過而問之。

旁舍生欲言而色愧。公曰：若弟言之，或遇仁者感然動心，免若於難。旁舍生顧視左右久之，曰：僕頃官于某，以其事用官錢若干，吏督之且急，視家無以償之，乃謀於妻，以女鬻於商人，得錢四十萬，行與父母訣，此所以泣也。公曰：商人轉徙不常，且無義，愛死色衰則棄，為溝中瘠矣。吾士人也，孰若與我。旁舍生曰：以女與君，不獲一錢，猶愈於商人數倍。然僕已書券納直，不可退矣。公曰：弟償其直，索其券，彼不可，則訟于官。公即與四十萬錢，約後三日，以其女來俟吾於水門之外。旁舍生如教，商人果不爭，携女至期以往。則公之舟行已三日矣。其女後嫁為士人妻。公後果登相位。公未顯時，嘗夢人謂公有陰德，必獲厚報，竟如其言。

宋馬洵其父以中年無子，回置一妾，極姝麗。每理髮見公，必引避。如有沮喪之狀，公恠問之，則曰：某父本守其官，不幸死去，家甚遠，無力可歸，故至鬻某。今猶未經卒哭，約髮者實素帛，暫以絳絲蒙其上，不欲公見。初無他也。公為惻然，即日訪尋其母還之，且厚有資助。是夕，公夢一羽衣曰：天錫爾子，慶流消消。明年果生一子，曰以洵，字名之，即巨濟也。及長，赴試，羽衣復入夢曰：汝欲及第，須中三魁。既而魁太學，魁鄉薦，乃至唱名為天下第一，屈指果中三魁。

宋張忠定公詠，號乖崖，任成都時，嘗夢謁紫府真君，接語未久，忽吏報請到西門，黃蕪濟承事。蕪濟以幅巾道而趨，真君降階接之，禮頗隆，且揖張坐承事之下。顧語詳欵，似有欵歎之意。公翌旦即遣人詣西門外，請黃承事者，戒令以常所衣服來，比至果如夢中所見。公即以前所夢告之。問平日有何陰德，蒙真君厚遇如此。且居某之上，坐耶。黃云：無他，長唯每歲遇米麥熟時，以錢三萬緡收糶，至明年米麥未熟，小民艱食之際，糶之價直不增，升斗不易。在戒者初無所損，而細民得濟所急。公曰：此承事所以坐某之上也。

宋陳元植者，粗有家道，而好行陰德。至於禽蟲悉蒙其惠。每將食於高原之上，百鳥遙見，必飛鳴前後，或來逼其坐隅。元植甚憫之。禽鳥亦不畏懼，凡如此十餘年。一夕夢有衣緋人，長三尺餘，巾帶備具，謂元植曰：爾甚有善德及物，於一切生命，皆欲濟活。然爾將來壽命短促，以此之故，須延其

糞汝唯勉之覺後飲食加增於常時年九十九歲。旦晝坐。忽然袖中有一物投地。化為着緋衣人。長三尺許。拱立於元植前。謂之曰。君壽本不逾四十。為有陰功。是以延爾之壽。今僅百歲。須歸常理。辭爾去。馬瞥然不見。元植遂與子孫述之。令選地樹墓。逾月無疾而終。

唐彭城劉弘敬字元溥。世居淮肥間。資財數百萬。脩德不耀。人莫知之。家雖富。利人之財不及怨。施人之惠不望報。長慶初。有善相者。於壽春道逢元溥。曰。噫。君且止。吾有告也。元溥乃延入館而訊焉。曰。君財甚豐。然更三年。大期將至。如何。元溥曰。夫壽夭者天也。先生其柰我何。相者曰。夫相不及德。德不及度量。君雖不壽。而德且厚。於度量又寬。夫一德可以消百灾。猶身爵祿。而況於壽乎。勉而圖之。吾二載當復此來。言訖而去。元溥送之。乃為身後之計。有女將適。抵維揚。求女孥資行。用錢八十萬。得四人焉。內一人名蘭蓀者。有殊色。風骨姿態。殊不類賤。元溥詰其情。父乃對曰。賤妾死罪。無復敢言。主君既深訝之。何所潛隱。某代為名家。世本河洛。先父以卑官淮西。不幸遭吳寇。政扈。因緣。姓與國同。疑為近屬。身委鋒刃。家乃

沒官。以此湮沉。無所告訴。其諸骨肉。寇平之後。悉被官軍收掠為俘。不可復知也。賤妾一身。再易其主。今不幸及此。元溥太息久之。乃言曰。夫履雖新。不加於首。冠雖舊。不踐於地。此女雖家族喪亡。實衣冠之後。不可以為婢使。遂焚其券。收為甥。以家財五十萬。先其女而嫁之。長慶二年春三月辛卯。蘭蓀既歸。是夜元溥夢一人。被青衣。秉簡。以塵而拜。迫之。濟然曰。余則蘭蓀之父也。謝公嫁我女。我無以報。今告天帝。為君請壽。言訖而去。後三日。元溥復夢蘭蓀之父。立於庭。紫衣象笏。侍衛甚嚴。前謝元溥曰。余不佞。幸得請君於帝。許延君壽二十四載。當及三代子孫。其所殘害吾家者。悉獲按理之。存者禍身。沒者子孫受饗。又問余之寃。署以重職。獲主山川於淮海之間。曰。嗚呼。再拜而去。詰旦。元溥依依。未餍甚信。後二年。相者果復至。迎而賀元溥曰。觀公之面。陰德之氣。甚盛。視公眉目。可延二紀之壽。公作何陰德。元溥曰。無他。止將婢作親女嫁之。相者曰。不忍以貴為賤。此真陰德也。元溥果壽考而終。富及三代。子孫之盛。異於他族。

宋傅敞字次張。濰州人。為士子時。以紹興二十年過吳江。縱步塔院。見僧

房竹軒雅潔。至彼小憇。其東室有殯宮。問為誰。僧云。頃者前知縣館客身。故聞其家在福建。無力歸家。因權厝于此。故惻然憐之。既還舟次。是夜夢。儒冠人持名紙來見。曰。三山陸蒼。自叙蹤跡。與僧言同。將退。拱白曰。旅魂。棲泊無依。君其念我。君有德人也。故來相告。明旦啟復。抵僧舍。遂傾其貲。遷葬於官地上。乃脩佛果以資助之。至七月。啟赴轉運司試。寓西湖小刹。復夢陸生來。再三致謝。且云。舉場三日。題目蒼悉知之。謹奉告。切勿宜泄。若泄之。彼此當有禍。啟寤而精思。屬藁。洎應敵。盡如其言。遂薦名高第。宋青州益都尉老舉人云。初在鄉里。累舉不捷。乃庵居郊野。無復進取之意。一夕有盜兩中穿窬而入。乃謂盜曰。汝冒雨夜穴壁。良苦。度汝心必不得已也。盜以實告曰。戒非為盜者。某營卒也。曰。博輸懼軍令不敢歸。乃來相擾爾。尉曰。吾有絹二疋。回取贈之。盜拜謝而去。詰旦。又詣其營。為請於軍校。得不治其罪。亦不言其為盜也。次舉。知交勉令就試。猶豫間。卒又出燈下。尉曰。何復來耶。盜曰。某自前年蒙秀才恩。患自誓。死生必立効相報。今不幸歿于軍前。知秀才欲赴舉。故來。遂失所在。既而赴舉。試前盜以所

試題送出。累場皆然。悉不差謬。果獲高薦。至南省亦然。迨陞試。卒又見取。曰。內中某不敢入矣。秀才勉之。已而登第。卒又出曰。若遇益都尉。不可不受。有數人負命者在彼。至時其亦當往相助。後果尉是邑。到官未幾。有告羣盜聚某村林中者。尉忽率眾往捕。會馬駿獨尉與一廳吏先至其地。羣盜望見。皆俯伏就執。乃叱令遮相反接。畢而部眾始至。盜驚曰。向見馬後有甲士百餘。故不敢動。不然。寧束手耶。

宋剡縣陳發妻。少與二子寡居。好飲茗。茗以宅中有古塚。每飲先輟祠之。二子患之。曰。塚何知。徒以勞苦。欲搗去之。母苦禁而止。及夜。母夢一人曰。吾止此塚。三百餘年。公二子恒欲見毀。賴相保護。又饗吾佳茗。雖潛壞朽骨。豈忘鬻柴之報。及曉。於庭內獲錢十萬。似久埋者。唯貫新。母告二子。二子慙之。從是禱酌愈。至母壽至九十餘。無疾而終。

唐羅城使程彥賓進攻遂寧之日。左右以三處女獻。皆蔚然有姿色。時公方醉。謂女子曰。汝猶吾女。安敢相犯。因手自封鎖置于一室。及早訪其父。母還之。皆泣謝曰。願太守早建旌節。彥賓曰。旌節非敢望。但得死而無病。

便是好也其後官至觀察使年九十七無疾而卒諸子皆仕人以爲陰德之報

宋時邦美陽武人父爲鄭州牙校補軍將吏部差押綱至成都時已六十歲婦方四十餘未有子謂其夫曰我有白金百兩可携至成都求一妻歸冀得子爲身後計邦美父至成都訪牙僧見一女甚華麗詰其家世不對窺見以白布總髮恠而問之悲泣曰父本都下人爲州掾卒扶襯至此不能歸嚙妻欲辦裝耳邦美父惻然携金往見其母以助其行又爲幹行計同上道路中謹事掾妻如部曲至都下僦居葺殯畢方辭歸妻迎問買妾狀具以實告妻曰濟人危急爲德甚大當更爲君圖之未幾妻有孕一夕夢有數人披袖襖輿一金紫人留堂中及旦生邦美後舉進士第官至吏部尚書

晉李公冰爲蜀守行部至湔山乃曰岷山導江爲四瀆之首而水或爲患以害于人作三石人以止江水作石犀五以厭水精鑿離堆山分三十六江以灌溉於是蜀號陸海人無水旱之憂家有粒食之安其後入廣漢後城

山中遇一羽人謂公曰公德及民物已注名天府矣帝遣吾來迎公也遂白日升仙蜀人世祠之

宋元祐間嚴州清溪王氏女名亞三性柔惠好行陰騭一日見鷺母爲貓所食有未出巢鷺子三枚每日以飯飼之後長大飛去其冬亞三病死次年春三鷺復來飛遊其屋不已母曰尔非尋亞三否亞三已死葬在後園中欲尋則隨我去母行鷺飛隨後至園母指墓示之鷺飛鳴於墓以嘴鑽入墓土中皆死

魯宣公十五年初魏武子有嬖妾無子武子疾命其子顰曰必嫁是妾病則曰必以爲殉及卒顰嫁之曰疾病則亂吾從其治也及輔氏之役獲杜回秦之力人也顰見老人結草以亢回回躡而顛故獲之夜夢老人曰余而所嫁婦人之父也尔用先人之治命余是以報

唐侍御劉軻者韶石人也幼之羅浮九疑讀黃老之書究輕舉之道嘗獨處一室數夢一人衣短褐曰我書生也頃日遊學逝於此室以主寺僧不聞郡邑乃瘞於牖下而屍骸踰垣死者後真何以安也君能遷葬必有

酬謝乃詢于緇屬果然劉君即解所着之衣覆其骸骨具棺棺改安於虎溪之上是夜夢書生來謝持三雞子勸軻立食之軻嚼一勿而吞其二馬後乃精於儒學肄文章自策名科第歷任史館

宋武弁有段遘者嘗過黃坑從者於馬前拾取髑髏數片中有一片其上隱隱有逃走奴字蓋黥蹤入骨也是夕從者即夢一人以手障面從之索骨且曰我羞甚切急為我深藏無令人見我當有以報君從者驚覺寤為瘞之他日再過黃坑復夢前索骨者告曰鄉感君恩去此數步地下有大伏藏聊以為謝女教掘之果獲金千餘兩

唐范明府者忘其名頗曉術數以選授江南縣宰自課其命云來年秋壽祿俱盡將出京又訪於日者日者曰子來年七月數盡胡為遠官哉范曰其固知之但一女未嫁刺薄俸以資遣尔及之任買一婢子因詰其姓氏婢子曰姓張父嘗為某堰官兵寇之亂略賣至此范驚起問其父名乃曩昔之交曰謂其妻曰故人之女豈可使為婢悉以女粧奩擇邑客謹厚者配之秩滿歸京日者見之犬駭曰子何前相給之甚筭子祿壽俱盡今乃無恙非甲子差謬即當有陰德為報耳范曰俱無之日者詰問不已范偶以嫁女僕之事告之日者曰此即是矣子之福壽未可量也後果磨官數任而終

勸善書卷十一

九

唐孫泰山陽人少師皇甫穎守操頗有古賢之風泰妻即姨之女也先是姨老以二女為託曰其長幼損一目汝可娶其女弟姨卒泰娶其妹或詰之泰曰其人有廢疾非泰何適衆皆服泰之義嘗於都市遇鐵燈其至買之既磨洗即銀也泰往還之中和中將家于義興置一別墅用錢二百緡既半授之矣泰遊吳興郡約回日當詣所止居兩月泰回復以餘資授之俾其人他徙于時觀一老嫗長慟數聲泰驚悸呂詰之嫗曰老婦嘗追事吾姑于此子孫不肖今為他人所有故悲耳泰憮然久之曰給曰吾適得京書已別除官固不可駐此也所居且命爾子掌之言訖而去不復返矣他日泰夢一神人紫衣象簡從容謂之曰汝平生德行不虧名知天府奉帝命宜增汝壽而昌汝後也汝唯勉之泰自是愈脩陰德壽九十而終子

展進士及第世為顯官

宋鄂州都統司醫官滑世昌。居于南市。家貲鉅萬。而行醫以救人為心。鄂之人盛稱其德。淳熙十四年十一月望日之夜。夢有客來訪。車騎甚都。云是城隍神王。既入坐。談話之次。言此邦明日有非常大災。氏罹非命。君家亦當墮此厄中。以君平時用心慈仁。多所濟活。陰功昭著。上帝勅我救爾一家。但有資財不可得耳。滑拜謝。且伸懇禱。云若獲幸免。而資蓄蕩然。則舉家狼狽。與死一也。神曰。此却易辦。決不至凍餒。恍然而覺。聞樓鼓已五更。呼告其妻。妻亦夢如是。深以為憂。至旦。天大風。阨寒。滑方朝食。漢陽武八官招之視疾。及還家。已昏暮。夜未半。火作於市。滑居烈焰中。念闔門十口。無計自脫。忽有壯夫數十輩。着紫衫。排列火邊。驅家人登轎。徑昇至將臺下。相去六七里。俄風雪大作。適路有空屋。趨避于中。相看如癡。莫知所以。黎明。人輻皆不見。顧舊居已為瓦礫之場矣。擷別埃煤中得銀三十餘兩。始悟不至凍餒之說。夫婦兒女。僕妾悉無恙。旋僦宅於城中。醫道復振。會歲荒疫。凡傷寒有危證者。捐藥救療。賴以安全者不可勝計。由是家業愈盛。子孫三世皆致大富。

宋吳五承事者。合州赤水縣人。其家頗饒於財。傳四世皆一子。專務陰德。凡可以濟眾賑貧者。無所不盡。至五承事。遂生兩男。其婿張溥。司戶勸其次子庚。讀書。招邑士張坦于館舍。及赴舉。坦黜而庚預薦。將就類試。乃捐錢百千。結同舉。勾龍浚以為助。迨入類場。則兩人分坐東西廂。是歲丙子。場屋嚴肅。不得相往來。庚才思短索。窘迫無計。髣髴見坦在側。取其試卷。一揮成文。凡三日皆然。遂中高第。張溥扣其所著。略不能言。溥曰。正使全出勾龍渙手。獨不稍記梗槩。以荅交游。問訊者乎。庚曰。與勾龍渙對廊坐。遠甚。失望。非賴張先生力。殆成曳白矣。溥感坦之德。亟往見謝。坦駭曰。坦既不設解。何由入得類場。君無戲我。俄庚亦來謝。坦恠其異。曰。是亡他。乃君家累世陰隲。彰聞天地。神祇故以善祥相報爾。庚登科。調果州。相如主簿。其後子孫皆讀書業科舉。代有顯官。

宋醫者周添佐。河址人。世以醫藥為業。人有所請。無貧富用藥無二。日暴卒。經宿乃蘇。仍跛其足。人恠而問之。添佐曰。始死。追詣州北崔府君廟中。府君曰。令取鏡照之。乃言爾無罪。平生多陰德。周亦不論此旨。府君曰。

追爾來無他上天遣二童子來知爾善誦頽長官詩爾可誦末篇誦畢童子即飛空而去府君命木匠取廳前樹枝使禪之遂得歸果十五年卒

宋徐宗仁西蜀人其鄉有兩石嶠夾出一江四時皆湍急下則深淵惟此處可以立渡常年溺死者甚衆蓋舡小觸石即碎宗仁發心造一巨舟兩頭裹以鐵葉自顧篙手專一渡送往來之人且建善緣以薦亡者日忽有道人登門稱善星命謂徐曰公壽止三十三徐大驚異其年生日之時夢至官府見王者坐于堂上門首濕衣之鬼約三四百人執一卷投于王前云徐宗仁濟生拔死功德莫大乞與夫妻壽考子孫榮貴王者指左右以此詞示宗仁曰君壽本當盡為此之故可特延三紀覺而異之自此益好善樂施二子三孫皆榮貴宗仁果逾三紀而卒人為立祠于渡側

宋周必太字子充監臨安府和劑局局門內失火延燒民家逮吏獄未論報子充問寺吏曰假設火自官致當得何罪吏曰當除籍為民子充遂自誣服坐失官吏得免死子充歸道謁婦翁翁肅容坐定門外雪交下僅

初善言卷十一

十一

子掃於庭翁不樂意謂妻以女為門戶計既失官缺前望殊不為禮復私訝前一夕夢掃雪迎宰相未知為何祥也惟子充兩雪中至無他客始留之宿子充既歸益自刻苦讀書試博學宏詞科其至京師也寓一班直家其妻一日携小冊自外至潛觀則鹵簿圖也悉錄記之及入試果以此命題中詞科歷官至宰相封益國公先是子充試前夢入宮見一判官携掠一捨胎鬼指子充曰此人有陰德當位宰相貌陋如此奈何鬼請為作帝王鬚官首肯鬼起摩子充頰為之種鬚及覺猶隱隱痛數日始定子充既罷相移居一相士挾貴人善見子充適邂逅於門外相者問相公何在子充進揖曰其前此待罪宰相相者曰何宰相貌如此得非誑我耶子充氣愈和色愈溫延入上坐相者復請見宰相子充荅如初子充起相者亦起將其鬚曰帝王鬚真宰相也子充大驚服厚贖之蓋前此種鬚事雖妻子至親亦不以告也

漢陳臨字子然為蒼梧太守有遺腹子報父怨捕繫獄傷其無子令其妻入獄遂產一男人歌曰蒼梧陳君息廣大令死罪囚有後代德叅古賢天

報施其後子孫繁庶並登榮要果符所祝。

宋王丞相曾初任湖入京師。日過甜水巷。聞子母二人哭甚哀。若有大憂者。回詢其隣。云其家少官。連四萬錢。計無所出。止有一女。賣與遠方客。子旦夕分離。無復相見之期。所以哭之哀切。公乃訪其家問之。果然。因謂其母曰。汝女可賣與我。任官往來。時得相見。遂以白金與之。令償客。約三日取。至期不來。其母遂訪公之西館。而公已行矣。其後公大貴。位至兩府。子孫皆極榮盛。陰德之報。信有徵也。

宋南昌王知縣。一日凌晨。見一婢子。堂中執箠而泣。詰其故。乃云。憶舊事。不覺淚垂。曰。言妾陸知縣之女。父受替自此去。過番易湖。為劫賊所害。獨留妾一身。流轉到此。詢之縣吏。皆曰。然。遂語其妻曰。仕途交代。有兄弟之契。今此妮子。乃前交代之女。須與看承。擇良配嫁之。公有女。許鄰邑知縣之子。消日畢禮。遽書報之。曰。近得前故交代之女。年已及笄。欲那展一年。收拾餘俸。以辦奩具。與女子同時出嫁。隣邑知縣報云。某有一姪。年幾弱冠。請將令女。奩具中分之嫁。吾子與吾姪。庶成一段義事也。出嫁之日。公

勸善書卷一

十二

燭下視事。忽見一人。朝服拜於庭下。公驚問之。云。前任知縣陸鴻漸。頃遭劫賊。留一女子在此。念其流落無歸。常相隨逐。今蒙矜憐。特為嫁遣。故來相謝。公緣此陰德。增壽一紀。將來子孫三人同及第。語訖。遂不見。後果如所言。

宋閩之富人。苦無子。多市婢妾。終無妊者。有武官自廣東携家至福唐。貧甚。不能去。妻且死。失措。但號慟。有女將笄。且有姿色。問其父曰。人死安得久停。漸致敗壞。柰何。父曰。汝將何如。曰。以我貨之。得錢必多。葬母之餘。父以為行道費。立券期以三年。父待闋至。我已限滿。可同往也。父曰。我非不知也。念平生只汝一女。此何忍為。亦不忍言也。女曰。不然。舍此無策。盍早為之。父艱勉從之。試問之。邱翁邱翁曰。此有某人無子。數令我尋訪。溫良賢淑之女。今往言。即諧矣。果如翁言。父於是得錢三百千。葬其妻畢。傍徨不忍。舍去。女既歸。富人大喜。入其房。不敢作憂戚色。乃強笑語。應對詳雅。富人自覺非偶。語言進止。若震驚。皆失其常度。躊躇良久。乃告其妻曰。女非常女也。吾疑且懼。翌日見女以素帛總髮。問之。則云。貧故也。

使易之女又僂倪為易終不言其喪母也富人即呼邱翁究之翁具告焉富人曰吾固疑之矣即日昇還其父驚以謂背券約而取金焉須臾富人亦至謂父曰初不知之也今以女還父且再遺二百錢云他日仕宦來此幸相覓也於是父子拜謝之富人歸夜夢人若相賀者曰汝不當有子以近日一善事所感當得三子妻亦夢焉未久富人果生三子富人姓王住福唐城東福唐人謂手為爪謂拳擊為蟻富人一手拳擊鄉人呼之為王蟻爪

晉殷仲堪遊於江濱見流棺接而葬焉旬日間門前之溝忽起為岨其夕有人通仲堪自稱徐伯玄云感君之德無以報也仲堪曰問門前之岨是何祥也對曰水中有岨其名為洲君將為州言終而沒至晉武帝時果授仲堪都督荆益寧三州軍事荊州刺史

漢孫鍾家於富春幼失父事母至孝遭歲荒以種瓜為業瓜熟常以設行者家事福德神甚虔瓜熟未獻神不以設也忽有少年詣鍾乞瓜鍾曰吾未獻神子姑坐即起入獻神引少年入設瓜及飯飯設三人謂曰我蒙君厚恩今示子葬地葬之後子孫世世貴不可言遂令鍾下山百許步勿反顧見我去即葬地也鍾去不六十餘步便返顧見三人並為白鶴飛去鍾記之遂於此葬母其地在縣城東塚上常有五色雲氣屬天鍾後生堅母孕堅夢腸出繞吳閭門以告隣母曰安知非吉祥堅後生權權生亮亮生休休生和和生皓皆至於吳

魏任城王章好行陰德時亂軍殺傷者皆無棺槨王皆收其骨葬之及王薨喪出葬聞空中數百人泣聲送者皆言王之仁惠及於死者故精靈以之懷感焉

宋許教授知可毗陵人嘗獲鄉薦省闈不利而歸舟次吳江平望夜夢白衣人曰汝無陰德所以不第知可曰某家貧無資可以與人白衣曰何不學醫吾助汝智慧知可輒寤歸踐其言果得虛扁之妙凡有病者無問貴賤診候與藥不受其直所活不可勝計後舉又中鄉評赴春官臧舟平望復夢前白衣人相見以詩贈之曰施醫功大陳樓閣處殿上呼臚喚六作五思之不悟其意姑記於牘紹興壬子以第六人登科同上名不祿遂陞第

五。其上則陳相言。其下則樓材方省前夢也。

晉許遜未為旌陽縣之先。歲饑民無以輸租。郡邑繩以法。率多流移。泊遜泣事日。乃以靈丹點瓦礫化黃金。令人潛瘞於縣之後圃。一日籍民之未輸者。咸造于庭。使吏詰責之。令服力役於後圃。民饑地獲。金得以輸。納故免逃竄之憂。悉按堵隣境。流移之民。慕其德惠。來依附者甚衆。遂至縣邑。戶口增衍。人物富庶焉。後以陰德所致。得道成仙。遂白日投宅上升。

唐李珣廣陵郡中人也。世居城市。販糶為業。而珣性端謹。異於常輩。年十五。隨父販糶。父年老。珣繼之。人與之糶。珣即授以升斗。俾令自量。不計時之貴賤。一升只取兩文利。以資父母。歲月既深。衣物甚豐。父恠而問之。具以實對。父曰。吾之所業。同流者衆。無不用出入升斗。出輕入重。以規厚利。雖官司以春秋較推。莫斷其弊也。吾早悟之。但一升斗。出入皆用之。自以為無偏矣。汝今更出入任之。自量。吾不可及也。然衣食豐給。豈非神明之助耶。後父母歿。世及珣年八十餘。不改其業。後值李珣出相。鄧制江南。而珣以新鄧制同姓名。乃改名寬。李珣下車後數月。修道齋。次夜夢入洞府中。

抄善書卷十一

一四

見景色正春。煙花爛熳。翔鸞舞鶴。彩雲瑞霞。樓閣連延。珣獨步其下。見石壁光瑩。填金書字。列人姓名。內有李珣字。長二尺餘。珣視之極喜。自謂生於明代。久應顯官。又陞宰輔。能無功德及於天下。洞府有名。我仙人也。再三為喜。方喜之際。有二仙童。白石壁左右出。珣問。此何所也。曰。華陽洞天。此姓名非相公也。珣驚復問。非珣何人也。仙童曰。此廣陵部民也。珣及曉。歷歷記前事。益驚歎。問於道士。無有知者。始召廣陵官屬詰之。亦皆莫知也。乃令府城內。求訪同姓名者數日。軍營里巷相推。乃得李寬。舊名珣。以車迎之入府。致淨室。珣齋沐拜為道兄。一家欽事。朝夕參禮。李寬情性素澹。道貌秀異。鬚長尺餘。皓然可愛。年六十。時嘗有道者教以胎。夢入洞府。見石壁姓名。仙童所指。是以迎請師事。願以相授。寬辭以不知道術服煉之事。珣虔拜以問。寬所脩如何。寬以愚民不知所脩。遂具取雜。以對。珣再三省問。咨嗟曰。此常人之難事。陰功不可及也。遂師其胎息。後李寬一百餘歲。輕健異常。忽告童子曰。吾寄世多年。雖然養氣。亦無益。汝

輩一夕無疾而終。三日棺裂有聲，視之衣帶不解，如蟬蛻焉。屍已解矣。漢周義山字季道，汝陰人也。丞相勃之後，父秘陳留刺史。義山年十六，讀書外常以平日日出時，東向嗽咽，服氣百數。經年父問之，對曰：「義山中心好此，日光長景之暉，是以服之。是歲陳留荒，多飢民。義山傾家財以濟之。有黃泰者，元鳳中寓陳留，著敗衣賣芒履。義山見之，曰：『聞仙經云：仙人目方面光，密竒之。』使人買芒履，常以金帛著物中，陰以與之。泰後詣義山，義山延之靜室。泰曰：『聞君好道，陰德流行，感於我，是以相請。』吾中嶽仙人蘇子玄也。義山再拜膝行而進。自陳少好長生，今靈降神降，得接聖顏，乃請乞竒要。仙人遂授以長生之道。後義山為紫陽真人，曰：『昇天。』

漢劉翊字子翔，一云子相，潁陰人。少好道德，而家世大富，常周窮困，不以為慮。魯行於汝南界中，有陳留張季札，速赴師，喪遇寒冰，車敗，停滯道路。翊見而謂曰：「君慎終赴義，行宜速達。」即下車與之，不告姓名。策馬而去。季札意其為翊，後到潁陰，還所假車，翊閉門辭却，不與相見。常守志臥疾，不屈聘命。河南郡引為功曹。後黃巾賊起，翊救急之絕，資其食者數百人。

勸善書卷十一

十五

鄉族死亡，則為殯殮。鯁夫則助其妻妾，獻帝遷都而京舉上計掾爾時道路寇門，翊夜行晝伏，乃到長安。上嘉其忠勤，拜議郎。遷陳留太守。翊又散珍寶，唯餘車馬，自載東歸。出關數百里，見士大夫病死道次，仍又以馬易棺脫衣，斂之。又逢知故飢困於路，不忍委去，因殺所駕牛以救其乏。日行達陽平，遂遇馬皇先生告翊曰：「子仁心陰德，感通天神。太上特嘉子之用情，故使我來授汝以長生之道。吾仙官也。爾能隨我去不？」翊於是扣頭曰：「少好長生，幸遇神仙，乞願侍給。」馬皇先生曰：「將翊入桐栢山中，授以隱地八術，服五星之華法。後度名東華為右理中監。」

晉殷文祥，一名道筌，自稱年已七十，而面光白，若四十許人。曾賣藥於荊州，時多疫癘，無貴賤皆與之藥，所活不可勝數。人謂之神醫，得一錢即施與貧者，又多為橋梁，以便往來。凡利人之事，行之不倦。一日謂人曰：「吾夜見神人謂我有陰德，當登仙矣。眾疑其妄，明日遽辭別往甘露寺北崖，遂乘雲而去。後十餘年，人見在江西賣藥，又見在蜀者，終莫知所之。」

周沈羲者，吳郡人也。學道於蜀中，能消災除病，以藥救濟百姓。服者立愈。

功德感天天神識之。周赧王十年丙辰。老君遣使召隱士沈羲。羲一日與妻賈氏共載詣子婦卓孔寧家。道逢龍車虎車白鹿車各一乘。從騎數十人。皆朱衣。仗矛帶劍。輝赫滿道。問羲曰。君是道士沈羲否。羲愕然。答曰。是也。騎曰。羲有功於民。心不忘道。從生以來。履行無過。多有陰騭。老君令遣仙官相迎。侍即薄。迺白鹿車是也。度世君司馬生青龍車是也。送迎使者徐福白虎車是也。須臾三仙羽衣持節。以白玉册青玉畧。丹玉字授羲。墜落侍郎。羲不能讀。遂載昇天。時道間耕鋤人共見之。須臾大霧霧解。失其所。在。但見羲所乘車牛在田中食苗。以語羲家子弟。遂數百人求之。不知羲之蹤跡。至後漢殤帝延平元年。凡四百一十二年。乃還鄉里。推求得數十世孫名懷喜。懷喜曰。聞先世祖相傳有祖仙去。實太后疾。嘗遣使請羲。安帝時猶在人間。後復昇天。

五代。居士郭智汾州平遙人也。為人淳厚。喜怒不形于色。好行陰德。鄉閭高之。其父嘗曰。起家者必此子夫。無何有白犢之戚。居士處之自若也。其妻何氏憂之。忽夜夢人告曰。若無憂。避家之事。將自此始。遂投以金文一

帙。何發而視之。惟焦。饒兩子御史。巖叟八字而已。明日以告居士。居士莫究其旨。會宋興。太祖太宗削平僭亂。河東底平。朝廷以河東負固。最後歸化。遂遷其民於河南。居士既至河南數月。忽有窶者。欵門。其容甚瘠。已乃箕踞而坐。曰。與吾取水。居士呼從者進之。窶者怒而起。曰。飲長者水而不能親授。乃使從者進之乎。遂不顧而去。明日復來索水。居士蹶然親起而進之。窶者亦不飲而去。如是者三。居士之意愈動。不少怠也。窶者曰。此子可教。即探囊以藥一瓢遺之。曰。用此藥可愈子疾。居士拜而受之。既用之。其効若神。居士以衣一襲為謝。明年復具冬夏時服他歲亦如之。數稔朝廷復其民。居士將有河東之行。即奉幣以別。曰。今朝廷詔還。得奉先人立寵。固厚矣。然不能從先生方外遊。斯為不足。窶者歎曰。吾聞人多矣。未有如郭君之賢者。於是始以方授之。居士尚未神其事也。後至平遙之初。夜未央。忽有呼居士者。居士念曰。吾方抵此。曾有識之者耶。意甚疑之。倉皇未有以。應俄見紅光如線。自外透入。須臾明照室中。秋毫可數。又見一異人。頭出屋極間。大約數斗。目圓而碧。光彩射人。居士驚且走。異人曰。若

無恐也。吾聞河南之窶人爾若尚能記汝昔日之夢乎。即河南相會之言也。向所遺書切宜寶之。言訖忽不見。光亦漸斂。居士曰悟。昔八字云。僬僂者小人也。小令尔字。兩子者二人也。二令夫字。御史直人也。直令值字。巖叟者山人也。山人仙字。居士自是方神其術。後有目疾者無問遠近咸被其賜焉。先是居士之祖。以子孫不競。令日者筮之。遇坤之謙。日者喜曰。是殊遇之卦也。夫坤順也。數也。謙致和而卑以自牧也。六爻無犯而三為陽。陽為德為報為明。其於人也為真仙。君之子孫久將蕃盛。上下協睦。六世同慶乎。及三世將真仙。三者八之牡也。逮八世亦然。君其齒之。至居士果有河南之遇。居士孫曾壽後凡弟七人。家百餘口尚同慶而食。竟日者語。初居士與友異使君樂郊居。遂卜居於平遙之東。人景慕之。相繼而居者百有餘家。遂成里第。人曰號其居曰蕪郭。

晉沙門安慧。少無恒性。卓越異人。而工正書。善談吐。永嘉年中。天下疫。病。則晝夜祈禱。願天神降藥。以愈萬民。一日出寺門。見兩石形如甕。疑是異物。取着之。果有神水在內。病者飲服。莫不皆愈。後止洛陽大市寺。手自細書黃縑。大品經一部。合為一卷。字如小豆。而分別可識。凡十餘本。以一本與汝南周仲智妻母胡氏供養。胡氏過江。費經自隨。後為灾火所迫。倉卒不暇取經。悲泣懊惱。火息後。乃於灰中得之。首軸顏色。一無虧損。于時同見聞者。莫不迴邪改信。

五季時鄭屯田建中。居安陸。賞銀鉅萬。城中居人多舍客也。每大雨過。則載瓦以行。間有屋漏。則補之。若舍客自為之屋。亦為繕完。又隆冬苦寒。蠲舍繕仍月也。田公晚得一子。即侍郎公紆也。侍郎有五子。長曰彌皇。祐元年。登第。官至朝奉大夫。次即侍讀。公敦夫也。皇祐五年。魁天下士。三子與孫皆任以官。不由選調。世祿不絕。陰施之報。蓋不誣矣。

昔有五百賈人。入海採寶。內一人善知兵法。怕為寇盜。欲殺諸人。謀取其寶。還閩浮授。尔時有人名曰大悲。報中導師。夜夢神報。此有惡人。起不善心。殺五百人。取其財寶。此五百人。皆不退轉菩薩。惡人殺者墮入地獄。汝為導師。可作方便。令彼惡人不墮地獄。彼五百菩薩。可得全其身命。尔時大悲如是思惟。更無方便。唯有除此惡人者。乃可令此五百人得全身命。

我若說時此五百人當生惡心。殺此惡人。彼諸人等皆墮惡道。大悲思惟我今當自殺之。雖百千劫墮惡道中。受地獄苦。我須忍之。尔時大悲生哀愍心。作是方便。舌護五百人。故害此惡人。即以穢子刺殺。令諸商人安穩得還。善男子。導師則我是。五百賈人。則賢劫中五百菩薩。當此劫中得證菩提。我行方便故。即得超越百千劫生死之難。

昔梓潼帝君。自言本吳會間人。生於周初。後七十三化為士大夫。未嘗酷虐吏。性烈而行。祭如秋霜。白日之不可犯。後西晉末。降生於越之西。雋之南。兩郡之間。是時丁未年二月三日。誕生。祥光暮戶。黃雲迷野。居處地俯近海里。人謂清河叟曰。君今六十而獲貴嗣。童稚時不喜嬉戲。每慕山澤。往往語言。若有隱顯。書誦群書。夜避衆子。自笑且樂。身體光射。居民祈禱者。則余嗤而訕。長嘯曰。土木而能衆人之衣。食人之食。享之而有應。謗之而有徇。我為人而無靈乎。自後夜或夢為龍。或為王者天符。或為水府漕。自恠而不甚信。為吉兆。後三農憊旱。嘉禾無甦。舞雩祝神。恬然無驗。余曰。寐中夢治水府。今夕當驗。夜柱水際。以夢中官銜牒河伯。而驚視。无恐。

勅諭書卷之二

十一

怛怛不能。忽爾之時。陰雲四合。風飛雷震。吏稽首余前曰。運判徙居。余曰。非我也。我乃張尸孝子名亞。吏曰。奉帝命。促子。余曰。家人何如。吏曰。先到詔所。余惶懼未決。吏揖請上一白驢而去。俛首里閤。風雨聲中。頓失鄉地。到一山連。劍嶺而撐。參宮星也。若鳳凰之區。下有古湫。引余入一巨穴。又曰。君記周室七十三代。陰德傳家而迄今否。余方大悟。若夢覺也。吏曰。吾在天譜。得神仙之品。於人世鮮有知之者。晉不日有中興之兆。君可尋方而題化。余曰。謝天使響報也。入穴則若墮千仞之壑。近地而足。不沾。若騰身虛空。有王者之宮。中有禁衛。余入。遂見家人。悉在其間。

昔有小國。去城不遠。有好林藪。有五道士於中學道。有一比丘。得六神通。有一沙彌。慧云年始八歲。共在山中。各一面坐。思惟經道。師知沙彌命餘七日。在此亡者。父母謂吾看視不快。使其命終。必懷怨恨。即誥沙彌。汝父母思汝。汝可歸家。八日早來。沙彌歡喜稽首而去。道逢大雨。流潦滂沛。地有穢穴。流水欲入。沙彌念曰。我佛弟子。一者慈心。二者活生。即便糞土決。

水舍去沙彌歸家。無有他變。八日晨還。師遙見之。恠其所以。七日應死。今何回緣。得非鬼神化現來乎。即入三昧。見其杖蟻。現世延壽。沙彌至稽首作禮。於一白坐。師謂言。汝作大功德。為自知否。沙彌言。七日在家。無他功德。師言。汝命應盡。昨日以救蟻故。現世增壽八十餘年。沙彌歡喜。言善有報。即更勤惰。精進不懈。得阿羅漢。

唐孫思邈。京兆華原人也。七歲就學。誦千言。及長。好談莊老百家之說。周宣帝時。以王室多事。隱於太白山。學道鍊氣。養形求度世之術。洞曉天文。推步精究。醫藥審察。聲色常蘊仁慈。凡所舉動。務行陰德。濟物為功。偶出路行。見牧牛童子。殺小蛇。已傷血出。思邈求其童。脫衣贖而救之。以藥封裹。放於草內。復月餘。出行。見一白衣少年。僕馬甚壯。下馬拜思邈。謂以言曰。小弟蒙道者所救。思邈聞之。不以為意。少年復請思邈。以別馬載之。偕行如飛。到一城郭。花木正春。景色和媚。門庭煥赫。人物繁雜。儼若王者之居。少年延思邈入。見一端正美貌人。袷帽絳衣。侍從甚眾。欣喜相接。謝思邈曰。深思道者。故遣兒子相迎。前者小兒獨出。忽為愚人。所傷。賴脫衣贖。救獲全其命。此中血屬非少。其感再生之恩。今得面見道者。榮幸足矣。俄頃延入若宮闈內。見中年女子。領一青衣小兒出。再三拜謝思邈曰。此兒癡騷。為人傷損。賴救免害。思邈省記。嘗救青蛇。即訝此何所也。及見左右皆闈人。宮妓呼袷帽為君王。呼女子為后妃。心異之。潛問於左右曰。此涇陽水府也。王者乃命賓僚。設酒饌。妓樂以宴思邈。思邈辭以辟穀。服氣。惟飲酒爾。留連三日。問其欲對曰。山居樂道。思真鍊神。日雖所窺。心固無欲。乃以輕綃珠金。贈行。思邈堅辭不受。曰。道者不以此為意耶。何以相報。乃命其子。取龍宮藥方三十首。與先生。此真道者。可以濟世救人。俄復命僕馬送先生歸山。既歸。深以為異。歷試諸方。皆若神効。後著千金方三十卷。散龍宮方在其內。又以聲色診人之疾。著脉經一卷。大行於世。隋文帝時。徵為國子博士。不就。嘗謂人曰。過此五十年。當有聖人出。吾方助之以濟生人。至唐太宗時。召詣京師。訝其容貌甚少。曰。故知有道者。誠可尊重。業門之徒。豈虛言哉。將授以爵。倅固辭不受。高宗初。拜諫議大夫。復固辭。時年九十餘。視聽不衰。范陽盧照隣。有時名。而染惡疾。嗟稟受之不同。

昧避天之殊致問於思邈曰名醫愈疾其道如何對曰吾聞善言天者必質於人善言人者必本於天夫天有四時五行寒暑迭代其轉運也和而為雨怒而為風凝而為霜雪張而為虹蜺天地之常數也人有四肢五臟一覺一寤呼吸吐納動而為往來流而為榮衛輟而為氣色發而為聲音此人之常數也陽用其情陰用其形天人之所同也及其失也蒸則生熱否則生寒結而為疔贅陷而為癰疽奔而為喘息竭而為焦枯冷發乎面變動乎形推此以及天地則亦如彼故五緯盈縮星辰失度日月錯行彗之疣贅也山崩地陷此天地之癰疽也奔風暴雨此天地之喘息也雨澤不時川源涸竭此天地之焦枯也良醫道之以藥石救之以針劑聖人和之以道德輔之以人事故人有可愈之疾天地有可消之災又曰膽欲大而心欲小智欲圓而行欲方詩曰如臨深淵如履薄冰謂小心也趙赴武夫公侯干城謂大膽也不為利迴不為義疚行之方也見機而作不俟終日智之圓也照隣曰非君則不聞是言矣蓋其文學也穎出其道術也不

勸善言卷十

可勝紀高宗後授承務郎致之尚藥局辭不就永徽三年二月十五日晨起沐浴徹其衣冠端拱以坐謂子孫曰戒為世人所逼隱於洞府修鍊持昇無何之鄉臣於金闕不能應召往來鹹氣絕遺令薄葬不設明器性

宰之奠月餘顏色不變舉屍入棺如空衣馬已屍解矣
唐呂志真內潔而外和似不能言者好脩陰德專以藥石濟人每歲一至京師遊瀟湘常倚二大瓢經錄道具皆貯之後居嵩山石室甚隘一夕致醮忽山開數十步其中平敞復有黑豹馴繞其側有神人授以金簡曰上帝以爾累世脩德行善特召爾掌山籍其夕屍解

蜀巫山道人黃萬護為好濟人勤慤不倦遂感神人授以道術所濟無算蜀主王建嘗召之鋪草薦水而汨汨而上一日至成都後得仙而去

莫知所之

唐金可記新羅人也實貢進士性沉靜好道不尚華侈或服氣鍊形自以為樂博學彊記屬文清麗美姿容舉動言談適有中華之風既擢第於終南山子午谷葺居處隱逸之趣手植奇花異果極多常焚香靜坐

若有思念又誦道德及諸仙經不輟後三年思歸本國航海而去復來。於道服。却入終南。務行陰德。人所求無阻者。大中十一年十二月。忽上表言。臣奉玉帝詔為英文臺侍郎。明年二月二十五日當上昇。時宣宗極以為異。遣中使徵入內。固辭不就。又求見玉帝詔辭。以為別仙所掌。不留人聞。遂賜宮女四人香藥金綵。又遣中使二人看侍。然可記。獨居靜室。宮女中使不得接近。每夜聞室內有客談笑聲。中使竊窺之。但見仙官。仙女各坐龍鳳之上。儼然相對。復有侍衛非少。而宮女中使不敢輒驚。至二月二十五日。正春景妍媚。花卉爛熳。果有五雲。唳鶴。翔鸞。白鶴。笙簫金石。羽蓋瓊輪。幡幢滿空。仙仗極衆。昇天而去。

晉王少道與同志李伯山。常以陰德密惠拯救於人。皆積世有道。至行所鍾。累功積德。以至成仙。少道嘗謂人曰。功滿三千。白日冲天。脩善有餘。坐降雲車。弘道不已。自致不死。斯言信矣。

晉周暢性仁惠。和。篤。穆。帝時為河南尹。永和二年夏旱。父禱無雨。因叔壅枯骨萬餘。乃大雨。後位至光祿勳。

漢幽州刺史趙熙。少有善行。常濟困窮。救王惠等族誅。行陰德數十年。熙得詣朱陵。其子得遊洞天。其女名素臺。為易遷宮夫人。在易遷宮中。已四百年。不肯移去。自謂天下無復樂於此處也。數微服遊行。躬山澤。以自足。熙父子所以得至此者。皆源陰德之功。

唐譚峭。岩茅山道士。敬宗寶曆中。遊天台。江湖間。年貌如二十許人。人亦不知其有道。務以陰功救物。常遺金於途。以賑貧乏。或報之。殊不認。問其故。則曰。陰真君化土為金。以賑不足。吾恨不能。且無用之物。以遺人。亦何怪。久而知其有術。神丹以化瓦礫符篆。以制鬼神。或者語隋煬帝。東巡事。峭岩忽失言曰。大業中。開丹陽河。斷三岡脉。其下血流。吾嘗往觀之。由此知峭岩之壽。蓋數百年矣。弟子鄧甲。父事之。授以丹訣符術。而不能其妙。但陸擒兇虎。水縛蛟螭而已。峭岩謂曰。人賦分有定。水不能致其熱。火不能致其寒。雖盡吾之道。而汝則止是矣。文宗開成中。輕舉於南嶽。

昔王老坊州宜君縣人。居村野。頗好道。愛客。務行陰德。其妻亦不倦。一旦有盤纏道士。造其門。王老與妻俱延禮之。居月餘。日與王老言。談杯酌。

甚狎俄患遍身惡瘡。王老求醫藥看瘡。益加勤切而瘡日甚。一日逮將逾年。道士謂王老曰。此瘡不煩以凡藥相瘡。但得數斛酒浸之自愈。於是王老為之精潔釀酒既熟。道士言以大甕盛酒。吾自加藥浸之。遂入甕。三日方出。鬚髮俱黑而顏復少。肌若凝脂。王老闔家視之驚異。道士謂王老曰。此酒可飲。能令人飛上天。以君有陰德濟世。吾故言之。徐看所釀之酒。清冷香美異常。時方打麥。王老與妻子并打麥人共飲。皆大醉。道士亦飲。云欲上天否。王老曰。願隨師所適。於是祥風忽起。彩雲如蒸。居舍草樹。全家人物鷄犬一時飛去。空中猶聞打麥聲。數村人共觀望驚歎。唯貓鼠棄而不去。風定打麥二人乃遺在別村樹下。後亦不食。皆得長年。宜君縣西三十里。有昇仙村在焉。

晉周廣字惠常。大將軍瑜之後。好行陰德。見人之貧窮困苦者。必濟之。嘗與同志遊巴蜀雲臺山。得漢天師驅剪精邪之法。專以救民疾苦為事。聞許真君在旌陽。詣公庭。願備下執。真君納之。令供侍杖屨。夙夜惟勤。遵行道法以濟生靈。始終不怠。乃就宅西百餘步間。築室以居。真君飛舉。惠常

勸善書卷十一

二十一

與曾興國同驂龍車。白日仙去。宅號宣昭府。政和二年封元通真人。

晉時荷字道陽。少脩道德之教。入四明山。遇神人教以胎息衆妙之術。因能却寐絕粒。役使鬼神。驅除邪魅。點化金玉。調濟窮苦。民受其賜。聲聞遠近。惠帝之世。聞許真君仁孝。道法盛行江左。徒步踵門。願克弟子。真君納之。授以祕訣。復遣還山。教導徒衆。明帝詔赴闕。師問之。堅不願留。竟歸依棲真君侍側。功成行著。以寧康二年。與陳孝舉執冊導從昇天。

晉沛郡施崇。字太玉。祖朔。事吳。因徙居九江赤烏縣。岑狀貌雄傑。勇健多力。弓劍絕倫。尤善治療之術。專行濟利。許真君初領徒誅海昏大蛇。會鄉社三百餘人來助力。太玉預焉。致恭懇乞願。充役者。真君納之。與甘泊。武昌。執劍侍左。真君念太玉陰德甚厚。所秘經典。並以付之。寧康二年十月二十八日。晨見東方日中有一童子。乘彩雲。執素策。驅蒼虬降其兩居。宣玉帝詔。遂御蒼虬乘雲而去。

晉王遙字伯遠。鄱陽人也。好行陰德。遇異人授以道術。頗行治病。病無不愈。亦不祭祀。不用符水針藥。其行治病。但以一條八尺布。把敷地座。不飲

不食須臾病愈。即起去。其有邪鬼作禍者。遙畫地作獄呼召之。皆見其物在獄中。或狐狸鼯蛇之類。迺斬之。燔燒病者即愈。遙有竹篋長數寸。有一弟子姓錢。隨遙數十年。未嘗見遙開之。嘗一夜大雨晦冥。遙使錢以九節杖擔此篋將出行。雨不沾遙。及弟子衣皆不濕。所行道非所常見。兩炬火導前。當行三十里許。登一小山入石室。石室中先有二人。遙既至。取弟子擔篋發之。中有古竹簧三枚。遙自鼓一枚。以二枚與石室中二人。並鼓之。良久遙辭去。取三簧皆內篋中。使錢擔之。室中二人出送遙。語遙曰。卿當早來。何為久住俗間。遙答云。我早晚來也。遙還家百日許。天復雨。遙夜然燈火莊嚴。遙先有葛單衣及葛巾。已五十餘年未嘗着之。此夜皆取着之。自自擔篋而去。遂不復還。後三十餘年。弟子又見遙在馬蹄山中。顏色更少。蓋已為地仙矣。

宋梁母盱眙人。好以陰德濟人。舍逆旅于平原。客來宿者。任還錢多少。所得施諸貧寒。嘗有少年住經月。臨去。曰。我東海小童也。至元徽四年。馬耳山道士徐道盛於蜂域西。遇一青牛車。見一童呼云。徐道士前去。車三歩許止。又見二童子着皂衣絳裏。車中人遣一童子傳語曰。我平原梁母。今太上以我有陰功召我。應過蓬萊。我心憂勞。汝為我謝東方士女也。言訖。遂馳車騰逝。極目而沒。道士還逆旅訪之。正梁母度世日相見也。

勸善書卷十一

二十一

唐開元中。長安裴氏子。延平門外有莊。兄弟三人。未仕。以孝義聞。惟好施惠。務行陰德。常有一老父過之。求漿顏色稍異。裴子待之甚謹。問其所事。云。以賣藥為業。問其族。曰。不必言也。因是往來宿於裴子舍。數年。裴無倦色。嘗一日。謂裴曰。觀君兄弟至。竄而能恭謹不倦。於客實長者。必有大福。今為君致少財。以備數年之用。裴謝之。老父遂命炭數斤。坎地為壚。煽之。命取小甌瓦。如手指大數枚。燒之。皆赤。懷中取少藥投之。乃生紫烟。變為金矣。約十餘斤。遺於裴子。謂裴曰。此價倍於常者。度君家三年之蓄矣。吾去後。君家罄盡。當復來耳。裴氏回問其居。云。復當相示焉。訣別而去。裴氏貨其金積糧。明年水旱。獨免其災。後三年。老父復至。又燒金以遺之。裴氏兄弟一人願從學。老父遂將西去。至太白山西巖下。有大磐石。左倚石壁。老父以杖叩之。須臾石開。乃一洞門。內有黃冠及小童迎接。老父引裴生

入。初猶暗黑漸即明朗。見城郭人物。尚有宮室堂殿。道士王童。仙女無數。相迎歌樂。諸道士或琴瑟言論。老父引裴氏禮謁。謂諸人曰。此城中。主人也。留住一宿。設胡麻飯。麟脯仙酒。裴告歸。老父送出洞。遺以金寶。謂曰。君今未合久住。且歸後二十年。天下當亂。此是太白左掩洞。君至此時。可還來此。吾當相接。裴子拜別。比至安史之亂。裴氏全家西去。隱於洞中。數年居處仙境。咸受道術。亂定復出。兄弟皆至大官。一家良賤。亦皆壽考。

唐劉白雲揚州江都人也。家富而義多。以財濟人。務行陰德。尤喜脩行之事。忽於江都市遇一道士。自稱樂子長。謂曰。子陰德甚厚。天籙仙骨。流浪塵中。何也。因出袖中兩卷書。與之。白雲捧書。開視篇目。子長曰。子先得變化。而後受道。乃一一指摘次第教之。依而行之。能役致風雨。變化萬端。於襄州陽江一小山。化鸞鶴。數千飛翔其中。結紫雲帳。幄天神侍衛。連月不散。節使于頔。暗疑妖幻。使兵馬使李西華引兵攻之。帳帷侍衛漸高。弓矢不能及。判官竇慶約曰。此幻術穢之即散。乃取尸穢焚於其下。少頃白雲遂乘馬與從者四十餘人。走於漢水上。感波如履平地。追之不得。謂追者

勸善書卷十一

二十四

曰。我劉白雲也。元和年中。桂州觀察使王遜。好道。白雲時來郡中。忽一日。暫往湖南。即於鍾陵相見。辰發靈川驛。午在湘潭縣驗其所行。頃刻七百里。旬日王遜除洪州。白雲亦來相訪。後於江都值樂真人。白爾周游人間。固有年矣。金液九丹之經。今授於尔。可選名嶽服之。以登雲天。軌符中猶在長安賣藥。人識之。蓋不可親矣。

隋蕭靈護。字天佑。廬陵人。少好道法。見貧窮飢寒者。必與之以衣食。又建橋修渡。以利涉往來。雖罄其貲。不以為意。人或謂曰。君貧無自苦也。靈護曰。陰德莫大於濟人。吾聞有陰德者。必有福壽。吾安得而不為之。而過岳麓。夜遇鄧真人。語之曰。子多積陰功。吾傳子火鼎之術。唐太宗貞觀二年。沂蕭湘禮法主。行法驅邪。鄉邦得濟者。不可勝計。後居招仙觀。煉火鼎之術。化黃白。而外鬻之。脩造觀宇。為之一新。侯王禮敬。請為法主。皆傾心事之。五年。建尋真閣。六年。壬辰。桂州鑄銅鍾一口。重五百斤。歸觀。凡五更不敢扣擊。蓋驚地神故也。後選其幽勝。煉神丹於山北。凡經三壇。方始煉就。後服之。於高宗弘道二年。中秋。謂門人曰。吾行期已至。當有所適。不可淹

留汝等精勤將有所繼是夕遂尸解。

梁葉千韶字魯聰洪州建昌人秉志濟人精通醫藥所利濟甚衆又學十
二真君道術辟穀服氣居山忽雷震有一白衣人謂千韶曰君陰德甚厚
道備仙籍當在人間役使鬼神今神人降俄有真官降部從鬼神執簿一
卷謂千韶曰天命授君神將吏兵以救世民千韶開簿請召即應作法救
早潦以符救病咸通十一年遊濠州刺史劉昉中風千韶以三符貼於肩
脇曰驅風從足而出三日果愈不受謝而去隱於西山為地仙。

晉趙尊師者遂州人誓以濟人為務有異人重其陰德授以道術曰善役
使山魃令挈書囊席帽故所居百里絕無妖怪鬼物為人患者有民阮瓊
女為精怪所惑每臨夜梳粧似有所伺必迎接言笑召人醫療必先知其
姓名瓊乃奔請尊師趙曰不勞親去乃以白絹朱書大符與之瓊貼其符
於戶至一更聞有巨物中擊之聲如冰墮地然燭照之乃一巨鼈死在地
符即不見女乃醒然自悟又與一符令女吞之自是無恙而朱書大符却
歸在椽矣後竟仙去。

勸善書卷十一

二十五

漢周爰友河南尹周暢伯持之女也暢汝南安成人好行陰德功在不覺
尹河南時遭大旱收葬洛陽旁客死骸骨萬餘為立義塚祭祀之應時大
雨豐收所行多是此事太上特以暢有陰行令爰友從南宮受化得道成
仙。

唐則天末年益州有一老父好行陰德常携一壺於城中賣藥得錢即濟
人貧乏如此經歲餘有疾得藥者無不愈每遇有識者必告之曰夫人一
身便如一國也人之心即君主也旁列藏府即內輔也外張九竅即外臣
也故心有病則內外不可救之但凡欲身之無病必須先正其心不使亂
求不使枉思不使嗜慾不使迷惑則心先無病而內輔之藏府雖有疾不
難療也外之邪竅亦無由受病也况藥有君有臣有佐有使苟或攻其病
君先臣次然後用佐用使自然合其宜如以佐之藥用之以使使之藥用
之以佐不當其用必自亂也又何能攻人之病哉此又像國家任人也
老夫賣藥常以此為念每遇者一身君不君臣不臣使九竅之邪恣納以
至於良醫無措名藥不效實治身之不得其道故也悲夫士君子記之忽

一日獨詣錦江解衣淨浴探壺中唯選一九藥吞之。謂人曰。老夫功已滿。今歸島上。俄化一白鶴飛去。衣與藥壺並沒於水。

宋段璪。字德瑱。袁州萬載人。知書。天性淳謹。未嘗忤物。然遇不平事。則奮臂而前。高宗建炎間。寇盜充斥。段氏族屬四十口。皆為所標。璪身持金往贖。賊歎重其義。皆付之使歸。紹興五年。東南諸處大旱。斗米過千錢。璪盡發宿藏。止取常直。又為粥以食饑者。賴以全活。不可勝計。後忽厭人事。結菴於嚴田之山中。壁間多書。坦蕩二字。一旦召會親舊。與叙訣曰。不久天帝召我。人不以為然。經數日。陞樓鳴鐘。歛然凌雲而去。鄉人走視。所居惟弊衣履存。

宋樞密使盛文肅公度。修起居注日。嘗感疾而死。肢體猶溫。故家人未敢殮。越宿乃蘇。云。始為人追攝。若行田野間。氣候昏塞。如欲雨狀。良久入一府。見主者。被古諸侯服。起而接公。且諭以同姓名而誤追。又言公前世陰德甚厚。今世未盡食其報。遂歷告公。以將來所歷。而亟命公還。既而復行田間。遠望有數人。皆若舊識。及追視之。乃故相國沈公義倫也。吉揖盛曰。

審知學士得還。為我語家人。頗為汗脚襪。所苦草草別去。盛神還。疾亦漸愈。遂以冥中所屬語沈之孫。其孫泣而不悟。汗脚襪之說。及服除。徹公靈榻。而神座之橫棍。有敗襪焉。究其所自。則守靈老卒之遺物。偶致於此。旦起忘之。謂已遺失。故不復索也。後文肅公所歷。一如王者所言。

宋右丞錢珣。與裴安居近。珣病死。再宿而活。言於妻子曰。人召云。命已終。然平生有陰德。不作罪業。便再為男子。遂去市人畢瑤家。託身。入見其家。雖門戶低小。而物力甚豐。其畢氏妻有孕。月數足。將有所育。忽一使者持帖奔至。云。誤矣。合在裴家為男。此處非也。又隨使者到裴家。見其妻。使者云。當在斯為子。緣裴氏月數未滿。令且回去。云。四十日壽當終。爾及期而卒。裴家是日果產一男。容色有似石丞。

宋處州有老叟。住小溪傍。一夕夢一士人在水中抱青龍長丈餘。且甚懼。臨門呼曰。活我。當厚報。叟曰。此不難也。即引手攬龍。龍去。士得登岸。覺而異焉。以語其子。明日正午風大作。波濤如山。而至一小舟。碎於波間。有人弱水持大青竹竿。連呼救人。叟出觀之。宛如夢所見者。急棹漁艇往拯救。

之巴昏昏不能言。叟喚兒童，檠掖以歸，寘於室。為然火燎衣，具飲食良久，乃蘇。云：吾乃張體仁，建州浦城人也。自適永嘉，不虞遭此變。非叟仁心，則吾墜魚腹矣。留旬日，乃能復常。歡謝而去。叟亦不以所夢告之。張後登第，任宦通顯，遣人訪叟家，致錢帛為謝。

昔佛住舍衛城南有大林邑，商人驅八牛到北方，俱哆國，復有商人共在澤中放牛。時離車華云邊地主也捕得一龍女，穿鼻牽行，商人見之，即起慈心，問離車言：汝牽此欲作何事？答言：我欲殺致，商人言：勿殺我，與汝一牛，買取放之，捕者不肯，乃至八牛，方言：今為汝故，我當放之。即取八牛，放去龍女，時商人復念此是惡人，恐復追逐，更還捕取，即自隨看所向，到一池邊，龍女變為人身，語商人言：天施我命，今欲報恩，可共入我宮，當報大恩。商人答言：汝等龍性，卒暴，瞋恚無常，或能殺我。答言：前人繫我，汝能力救，彼以受希薩法華言淨住戒法也，故都無殺心，何況天今施我壽命，而當加害？小住此中，我先入擗擗，切浪，擋切浪，是龍門，遙見二龍，繫在一處，問言：汝為何事？答言：此龍女半月，中三日受齋法，我兄弟守護，此龍女不堅固，為離車所

勸善書卷十一

二十七

得，以是故被繫，唯願天慈，語令放我。此龍女若問欲食何等食者，當索閻浮提華云勝金，即南德鄒州也，人間食。龍女擗擋已，便即呼入，坐寶床，褥上，龍女白言：今欲食何等食？答言：欲須閻浮提，人間食。即下種種食，問龍女言：此人何故被繫？龍女言：此有過，我欲殺之。商人言：汝莫殺。答言：要當殺之。商人言：汝放彼者，我當食耳。白言：不得直尔放之。當罰六月，擗置人間。商人問言：汝有如是華嚴用，受希薩法。答言：我龍法有五事，苦何等五。生時龍眠時，龍蟠時，龍瞋時，龍一日之中，三過皮肉落地，熱沙搏身，復問汝欲求何等。答言：出家難得。又問：當就誰出家？答言：如來應供，正遍知。今在舍衛城未脫者，脫。汝可就出家。商人便言：我欲還歸。龍女即與八餅金。言：此是龍金。足汝父母眷屬終身用，不盡。語言：汝合眼，即以神變，持着本國，行伴先至。語其家言：入龍宮去。父母謂兒已死，眷屬宗親聚在一處，悲號啼哭。時放牧者及取薪草人，見已先還，語其家言：其甲來歸。家人聞已，即大歡喜。出迎入家，已為作生會。作生會時，以八餅金持與父母。此是龍金，截已更生。盡壽用之，不可盡也。

宋時有日者苦貧窮問計於得道者答曰向日月邊去日者思之乃明字
遂往明州其術盛行後復見得道者問其故答云汝前世於彼開井故也
是知衣食有地皆前生所種陰德故今生受之况所積之德有過於開井者
耶

宋王和叔蜀人善醫鄉里道不行入揚州界求者如市有得道者謂曰揚
州某處石橋是汝前生造故今生於彼處受福

宋蜀僧悟詮號覺海有慧性峽州富人程夷伯年二十九一夕夢其父謂
曰汝今年當死可問覺海其人茫然不曉一日有僧說相負覺海字程請
一相問云我壽幾何覺海曰君年促老僧皆無求但覓水一杯呵氣入水
中令程飲之曰今夜有吉夢可相報即夜夢至一官府左廊下男子婦人
衣冠嚴整皆相欣悅右廊蓋枷鎖縲紲之人衰號涕泗傍有人云左廊是
備捨橋路人右廊是壞毀橋路人若爾要福壽可自擇取程即夢覺發心
凡百里之內橋梁路道一一脩整用工畢覺海復來云汝作此事可延十
年程自是於道路上用工不倦壽遂得九十二五世昌盛

揚善書卷十一

二十八

宋張師中秀州人父仲淳居鄉教授以文學知名人皆師禮之好周人之
急常以財濟貧乏病者給以藥務行陰嚙不求人知忽有一商旅途中抱
疾甚困憊投宿于仲淳仲淳詢其來但畧言其名氏鄉里遂不能語而斃
仲淳閱其行裝有金十兩乃遣人召其妻子護尸持金而歸復捐賞紅營
葬之是夕仲淳夢其人謝云公平生不欺心隱財陰德甚厚故遠來託公
以死公待我以恩如此願公明年生貴子至期師中生後舉進士第登朝
帶館職為京西漕使尚書工部郎中世為宦族

昔山南道中有二道者一人負畚鍤修路一人空手立但見負重之人即
替之負三二十里人與之錢便走不受如此十餘年二人一旦同往邛棘
一人善吹鐵笛一人撫掌而和或歌或舞在闌闌中數日上州南白鶴山
上人隨看之舉身凌空旋有雲霧生足吹笛撫掌冉冉而去

宋時一獄官冬夜苦寒欲就寢其妻正色責之曰爾暖衣飽食畏寒不出
獄中罪人當如何其夫大感悟自此常留意獄訟此婦人本娼女未有所
生一夜夢神人以綠衣槐簡付之後生一子登第

宋查道字湛然歙州休寧人幼沉澁不羣以詞業稱淳化中赴舉貧不能上親族裒錢三萬遺之道出滑臺過父友呂翁家翁饗貧無以葬其母凡鬻女以襄事道傾囊中錢與之且為其女擇壻捐財資遣又故人卒貧甚其女為婢於人道贖之嫁士族縉紳甚服其行後知魏州歲蝗災民餓道不候報出官廩米振之又設粥以救飢者給州麥四千斛為種於民民賴以濟所活萬餘人其居官時多茹蔬或止一食默坐終日嘗夢神人謂曰汝位止正郎壽五十七後歷官刺史年六十四論者以為公陰德所延也

嘉言

安民則惠黎民懷之○無從匪彘無即悛淫各守爾典以承天休○民固常懷懷于有仁○至治馨香感于神明黍稷非馨明德惟馨○功崇惟志業廣惟勤惟克果斷乃罔後艱○以公滅私民其允懷○無依勢作威無倚法以削寬而有制從容以和○擬樂君子憲憲令德宜民宜人受祿于天保佑命之自天申之○其身正不令而行其身不正雖令不從○其行

勸善書卷二

二十九

己也恭其事上也敬其養民也惠其使民也義○君子學道則愛人小人學道則易使也○以德服人者中心悅而誠服也○若能類善物以混厚民入者必有章譽蕃育之祿○其為政也善則禍而為福轉敗而為功○增崇德政則可以轉禍為福矣○愛民者必有天報○一命之士苟存心於愛物於人必有所濟○當官者先以暴怒為戒事有不可當詳處之必無不中○有善行必有善政政善則嘉瑞臻福祥至○當官之法唯有三事曰清白慎曰勤知斯三者則知所以持身矣○除天下之害者受天下之利同天下之樂者享天下之福○教人者養其善心而惡日消治民者導之敬讓而爭自息○信在言前者不言而自喻誠在令外者不令而自行○為政以知人為先知人以清心寡欲為本○節用愛民平獄緩刑天下莫不悅喜○居廟堂之高則憂其民處江湖之遠則憂其君○治官莫若平臨財莫若廉廉平之守不可改也○事君如事親事官長如事兄待同僚如家人視羣吏如奴僕愛百姓如妻子處官事如家事然後能盡吾之心

不刑不罰感德延化○正法治國不邪枉人民○出一嘉言則士民悅

服布一善政。則神人以和。○為民父母當務仁化。恕已育物危命濟眾。○視民如子。民奉猶父。○弘聖教以訓民。垂至仁以育物。年和歲稔。氣阜時昌。○惟以德化感人。不用鞭撻使物。○弘慈悲之化。緩賦而恤貧。行至人之教。省刑而慎獄。

○盡力救民事。君濁財勿顧。邪事莫聞。整雪刑獄。救療人民。動合王道。自為吉人。○防民之所害。開民之所利。○以政教化者。易而必成。○回言而民信。信在言前也。同令而民化。誠在令外也。○大政不險。故民易道。至治優游。故下不賊。至忠復素。故民無偽匿。○愛人即無怨刑。知人即無亂政。○法令正於上。百姓服於下。○去心志。省刑罰。及清淨物。將自正。○善為政者。積其德。德積而民可用也。○除刻削之法。去煩苛之事。○聖人因人性而設教。觀風俗以為治。○恃道化而不恃智巧。○教明於上。化行於下。民有恥心。○御之以道。則民附。養之以德。則民服。無示以賢。則民足。無加以力。則民朴。○政有得失。見於灾祥。隨事而應。罔有差忒。○操之以誠。行之以簡。待之以恕。吾道不窮。○正刑循德。去私戒盈。百福日至矣。○法正天心順。官清民自安。

感應

漢魯恭字仲康。扶風平陵人也。自幼習魯詩。為諸儒所稱。後舉直言。拜中牟令。恭專以德化為理。不任刑罰。訟人許伯等爭田。累守令不能決。恭為平理。曲直皆退。而自責。輟耕相讓。亭長從人借牛而不還者。牛主訟於恭。恭令歸之。再三不從。恭歎曰。是教化不行也。欲解印綬去。父老涕泣留之。亭長乃慙悔。還牛。恭賞不問。於是吏人信服。建初七年。郡國螟傷稼。獨不入中牟。河南尹袁安聞之。遣仁恕掾肥親往廉之。恭隨行。阡陌俱坐桑下。有雉過。止其傍。傍有童兒。親曰。兒何不捕之。兒言。雉方將雛。親懼然而起。與恭訣曰。所以來者。欲察君之政迹耳。今蟲不犯境。此一異也。化及鳥獸。此二異也。暨子有仁心。此三異也。遂歸以白安。是歲嘉禾生。恭便坐。蓬中。後拜侍御史。年八十一卒於家。子謙為隴西太守。謙子旭官至太僕。

漢卓茂字子康。南陽宛人也。習詩禮。及愷筭究極。稱為通儒。初辟丞相府。卓茂嘗出。有人認其馬。茂問曰。子之馬幾何時對曰。月餘日矣。茂知其

謬嘿解輿之挽車去。顧曰：若非公馬，幸至丞相府，歸我。他日，馬主別得亡者，乃詣府送馬，叩頭謝之。性不好爭如此。後遷密邑令，勞心諄諄，視人如子，舉善而教，口無惡言。吏人親愛而不忍欺之。數年，教化大行，道不拾遺。平帝時，天下大蝗，河南二十餘縣皆被其災，獨不入密縣界。太守按行，見乃服之。後遷為京部丞，密人老少皆涕泣隨送。

漢蔡茂字子禮，河內懷人也。哀平間，以儒學顯，拜議郎，遷侍中。遇王莽居攝，以病自免，不仕。光武時，復徵拜議郎，遷廣漢太守。有政績，時陰氏賓客在郡，多犯吏禁，茂輒糾案，無所回避。光武嘉之，嘗夢坐大殿，極上有三穗，禾茂，跳取之，得其中穗，輒復失之。以問主簿郭賀，賀離席慶賀曰：「大殿者，官府之形像也，極而有禾，人臣之上祿也。取中穗，是上台之位也。於字禾失為秩，雖曰失之，乃所以得祿秩也。袞職有闕，君其補之。旬月而徵茂為司徒，在職清儉，匪懈。」年七十二卒。

漢楊統建中初為彭城令，多有美政。在縣休徵時序，風雨得節。嘉禾生於庭，時大旱。太守宗湛使統為郡求雨，即時降澍。後位至光祿大夫，為國三老。年九十卒。子厚為循吏有名。

勸善書卷二

三二一

漢宋均字叔庠，南陽人。二十餘補辰陽長，人皆安之。遷上蔡令，多政績。拜九江太守，郡多虎暴，數為民患，常募設檻穽，而猶多傷害。均到下記屬縣曰：「夫虎豹在山，鼯鼯在水，各有所托。江淮之有猛獸，猶北土之有雞豚，今勞動張捕，非憂恤之本也。其務退姦貪，思進忠善，可一去檻穽，除削課制。其後言虎相與東游度江而去。中元元年，山陽楚沛間多蝗蝻，其飛至九江界者，輒東西散去，由是名稱遠近，百姓頌之。

唐羅珣，會稽人，為廬州刺史。民俗病者，舍醫藥，禱潘祠。珣下令止之，捐己俸給藥，以濟貧者，民皆德之。又循學勸士，務崇其本。三年，政化大洽，芝草生於庭，白雀數十巢於坐側，節度使杜佑上治狀，賜金紫服，尋遷京兆尹，轉太子賓客。

唐韓愈為潮州刺史，初至潮，問民疾苦，皆曰：「惡溪有鱷魚，食民畜產，民以是窮，數日愈自往視之，祭以一羊，一豚，投溪水而祝之曰：『昔先王之有天下，余與蛇惡物之為民害者，今天子無四海愛民如赤子，命刺史來

守是邦。爾鱷魚乃據食民畜。熊豕以肥其身。與刺史爭為長雄。不可也。今與鱷魚約。盡三日。其率醜類。南徙于海。不然。是冥頑不靈。刺史則選材技。民操強弓毒矢。盡殺乃止。其無悔。是夕暴風雷。雷起溪中。數日水盡涸。西徙六十里。自是潮無鱷魚之患。人感公之德。初。潮人不知學。公興起學校。由是多士。彬彬政教大行。後名拜國子祭酒。長慶四年卒。潮人思公之深。立廟歲時享之。

齊張華原。公直有信行。為兗州刺史。下車之初。獄有繫囚千餘人。華原料簡輕重。隨事決遣。至年暮。惟重罪者數十人。各給暇五日。曰。期盡速還也。囚曰。有君如是。何忍背之。依期畢至。先是州有猛獸。為暴。自華原臨政。州北七十里。甌山中。忽有六駁。食猛獸。咸以為政化所感。卒于官。州人大小號慕。為樹碑立祠。四時祭焉。

隋辛公義。隴西狄人也。為岷州刺史。有善政及民。合境之內。呼為慈母。遷彛州刺史。下車。先至獄中。曰。露坐牢側。親自驗問。十餘日。決斷咸盡。人服其明。後有爭訟者。鄉里父老相曉示曰。此蓋小事。何可煩勞使君。訟者多

兩讓而止。時山東霖雨。自陳汝至于滄海。皆苦水災。境內犬牙獨無所損。山出黃銀。獲之以獻。詔水部郎婁嶺就其所禱焉。乃聞空中有金石絲竹之音。仁壽元年。轉揚州道黜陟使。所至多有政績。

隋豆盧勣。字定東。周武帝時。轉渭州刺史。甚有惠政。華夷悅服。德澤流行。大致祥瑞。鳥鼠山。俗呼為高武隴。其下渭水所出。其山絕壁千尋。由來之水。諸羌苦之。勣馬足所踐。忽飛泉湧出。有白鳥翔止廳前。乳子而後去。又白狼見於襄武。民為之謠曰。我有丹陽山。出玉漿。濟我民。夷神鳥來翔。百姓曰。號其泉為玉漿。

宋范大錄。初為蘭溪縣吏。行案公平。不撓法以求賂。雖貧窶甘心焉。中年無子。日遊監司。至白砂。收一流離女子。後生一男。官至少卿。生二子。一為郎官。一為提舉。諸孫相繼登第。餘以恩授官者甚衆。後大錄追贈正議大夫。人之虔心。可不為子孫計歟。

宋王老志。本濮州一推司。以不敢棄法受賂。後遇鍾離授以道要。遂能前知禍福。微廟時嘗召至。賜踊洞微。

克勤于邦。克儉于家。○慎乃儉德。惟懷永圖。○先知稼穡之艱難。乃逸。○位不期驕。祿不期侈。恭儉惟德。無載爾偽。○在上不驕。高而不危。制節謹度。滿而不溢。○恭者不侮人。儉者不奪人。○其辭恭。其欲儉。其祿及子孫。○恭儉畏忌。必蒙祉福。○克儉節實。弘道之源。○君子之行。靜以脩身。儉以養德。非澹泊無以明志。非寧靜無以致遠。○恭敬樽節。福之基也。驕狠傲慢。禍之始也。○上好儉。則國有餘財。下不慳。則家有剩費。如此則天下自然富壽矣。○儉則寡欲。君子寡欲。則不役於物。可以直道而行。小人寡欲。則能謹身節用。遠罪豐家。○儉則心小。而為慮者遠。侈則心大。而為謀者疎。○儉德之共也。侈惡之大也。○救奢必以儉。約極薄無若敦厚。○唯儉可以助廉。○能棄利約身。故無怨於人。○約於今者。必有重報於後。○恭儉福之興。○勤者富之本。儉者富之源。○約其身。以及家。儉其家。以施國。○成家之道。曰儉與勤。○脩身以寡欲。為要行。己以恭儉為先。○人常咬得菜根。則百事可做。○勢不可使盡。福不可享盡。事不可做盡。言不可道盡。○身被一縷常思織女之勞。日食三餐。每念農夫之苦。

勸善書卷十一

四十三

○節身時食。清淨自活。○抱素儉約。德逾高範。○息緣儉務。是至人之大量。○啜菽菜澆。心神招慈。善感延年。○簾衣惡食。約身守節。○蔬菴是甘。無求滋饌。○民用儉。則易足。易足。則力有餘。力有餘。則志情泰。樂治之心。於是生焉。○量腹而食。無所積藏。度身而衣。不求餘長。○金玉不貴。惟道為珍。約已守節。甘苦樂負。○我今有一襦。非羅亦非綺。夏天將作衫。冬天將作被。冬夏迥互用。長年只者是。○為人常契用。愛意須慳惜。老去不自由。漸被他催斥。○過費。行廉耻以節之。○節食養胃。清心養神。口腹不節。致疾之因。

○我有三寶。寶而持之。一曰慈。二曰儉。三曰不敢。為天下先。○見素抱朴。少私寡欲。○是以聖人去甚去奢去泰。○省事之本。在於節用。節用之本。在於去驕。○約其所守。寡其所求。○守其天常。安其命義。食止充虛。衣止禦寒。不苟所得。不棄所有。○取與有節。出入有量。○遠聲色。薄滋味。養形之道也。○大丈夫恬然無思。澹然無慮。○儉則廣損則大。○福生於清儉。

○樂道而忘賤安德而忘貧○無所誘慕精神內固○功約易成事省易治○求寡易贖○欲不過節則養性知足○不貴難得之貨不器無用之物○知足者不以利自慮也○靜漠恬澹所以養生也○不敢驕奢故能長久○外得失之榮辱割厚生之脂毒○恬愉退靜獨善守己○儉節則昌○人富官上奢縱則人貧○清貧常樂濁富多憂○遇情閉欲以義自防○常將有日思無日莫待無時思有時○煎茶淡飯飽即休補破遮寒暖即休三平二滿過即休不貪不妬老即休○有福莫享盡享盡身貧窮有勢莫使盡使盡惡相逢○千般巧計不如本分為人萬種強圖爭似隨緣節儉。

感應

吳陸績為鬱林郡守自奉儉約羅襪泛海而歸不載寶貨舟輕用巨石重之中流風波橫作一時同泛者率多漂溺惟有績舩安流無恙舟中一人假寐之際如見神人往來舟中若護翼者且戒舟人毋有恐怖舟中使君持身清儉不以一毫干擾於人行通于天所至神人護佑之故特來相報也既覺言之果獲安濟。

勸善言卷一

四一四

周河內張奉字公先少時名激子恬淡寡欲其妻服飾奢麗奉不顧皆無異路人婦改服乃復成室家後棄俗入剡遇山圖公子山圖公子觀其自奉清儉有仙資授激子丸雲水強梁鍊桂法後脩煉得道登東華宮領九宮尚書。

漢龍伯高名述京兆人建武中為山都長敦厚周慎謙約節儉從仙人刁道林隱處方壘師定錄君得道成仙。

後魏高允字伯恭博通經史志尚清儉累居顯貴不改貧賤草屋數間布被緼袍朝夕所食鹽菜而已一夕其子夢有神人告曰尔父清儉舉世寡傳天帝特命賜粟千石帛千匹以旌之數日元帝幸其宅觀允所用歎曰古之清貧豈有比乎賜粟帛一如所夢之數。

唐杜黃裳為相自持清儉人不敢干以私時李師古跋扈憚黃裳為相未敢失禮乃命一幹吏送錢數千緡并輿車一乘亦直千緡往與黃裳使者

未敢遽送乃於宅門伺候累日有綠輿自宅中出從婢二人皆青衣襪纒問何人曰相公夫人使者遽歸以白師古師古乃折其謀終身不敢失節初黃裳微時窮約安於澹素庶介屹然嘗過山寺寺僧恭禮甚至黃裳素不識僧怪而問之僧曰夜有司土神告我明日杜秀才當過此此人雅澹持正他日位至宰相身致太平不可慢忽以此知之黃裳不荅而去後十五年果登相位。

唐盧懷慎清謹貞素不營資產器用屋室皆極儉陋既貴妻孥尚不免飢寒而為故人親戚散施甚厚為黃門侍郎在東都掌選事奉身之具惟一布囊耳後為黃門監兼吏部尚書臥病既久宋璟盧從愿常相與訪焉懷慎臥於弊簣單席門無簾箔每風雨至即以席蔽焉蓋璟與從愿皆懷慎所器重者見之甚喜留連水日命設食肴蒸豆兩甌菜數俎而已此外蕭然無辦曰持二人手謂曰二公當出入為藩輔聖主求理甚切然享國歲久近者稍倦于勤當有小人乘此而進君其志之不數日無疾暴卒夫人崔氏止其兒女號哭曰公命未盡我得知之公清儉而廉潔蹇進而謙退四方賂遺毫髮不畱與張說同時為相今納貨山積其人尚在而奢儉之報豈虛也哉及宵分公復生左右以夫人之言啓陳懷慎曰理固不同冥司有三十爐日夕為說鼓鑄橫財我無一焉惡可並哉言訖復絕家無留儲唯蒼頭自嚮以給喪事上曰校獵於城南望墟落間環堵卑陋其家若有所營曰馳使問焉還白懷慎大祥方設齋會上曰為罷獵憫其貧匱即以縑帛贈之

齊武帝建元元年太子左率張導字進賢道少好黃老術每日食不過二食味衣服不華飾曰病謂妻曰我死後棺足周身殮服但取今者慎勿改易及導卒男安護欲奉遺旨妻朱氏曰汝父雖遺言如此且不忍依其言曰別製四時服而殮後一日家人忽聞其棺中呼安護之聲數回家人一時驚懼疑其及生即啓棺導已開目遂扶起臥於舊寢曰坐責妻曰我平生素儉柰何違言易我故服曰自悉解其衣服投於床下謂男曰復殮我故衣又曰但安於棺中後三日看之若儼然即葬如自開即重生也女戒後三日安護乃啓棺却見開眼家人等皆驚喜扶出遂生謂男與妻曰

地府以哉平生脩德。惟務儉約。無奢侈之失。故兩次放我還生。今更增壽二十五年。并加以官。導後果為建德令。壽筭如其言。

嘉言

求服其志。不貪其得。故以戰則克。以祭則受福。○富與貴是人之所欲也。不以其道得之不處也。貧與賤是人之所惡也。不以其道得之不去也。○不義而富且貴。於我如浮雲。○君子謀道不謀食。○仁者以財發身。○屏欲而崇德。則自然受天遐福。○存心盡公。神明自祐。○清心寡欲。增厚福基。○知足常足。終身不辱。○知止常止。終身無耻。○正其誼。不謀其利。明其道。不計其功。○知足則樂。務貪則憂。○安分身無辱。知幾心自閑。

不貪人財。是故富樂。○知足之人。雖貧是富。○少欲之人。無求無欲。○知足者。貧賤亦樂。不知足者。富貴亦憂。○勿貪麻弊。色聲香味觸也。若貪著生愛。則為所燒。○斷絕貪欲。乃得滅苦。但當作福。以求道真。○離欲及貪愛。定成天人師。○終以不貪。賢者識真。○若欲脫諸苦惱。當觀知

勸善書卷十一

四十六

足。知足之法。即是富樂安隱之處。○少欲省事。無復經營之憂。乞士任緣。寧有積藏之累。○攝心守正。泊然無想。此最為樂。○心不貪欲。為十善之本。故能俯絕地獄。仰生天堂。○利不苟貪。終禍少。事能常忍。得身安。○大盈若沖。其用不窮。○知足不辱。知止不殆。可以長久。○不貪無用。即不以欲害性。○貪鄙不生。忿爭乃息。○去其誘慕。除其嗜欲。○不貪富。何羨貨。此謂順民也。○君子思義而不慮利。○知養生之和者。不可懸以利。通內外之符者。不可誘以勢。○不利貨財。不貪世名。不以貴為安。不以賤為危。○耽玩靜真。淡泊守固。○去聲色。禁嗜欲。寧身體。安形性。○空心寡欲。可以服鬼神。○不以欲傷生。不以利累己。故不違義而妄取。○財不貪。無所害。酒不貪。無所觸。○妙藥難醫。寃債病。橫財不富。命窮人。耐心折。盡平生幸福。行短天教一世貧。

感應

漢楊震字伯起。弘農華陰人。父寶。哀平之世。隱居教授。震明經博覽。無不窮究。諸儒為之語曰。關西孔子楊伯起。常客居於湖。不荅州郡禮命。數十

年衆人謂之晚暮而震志愈厲後有寇雀街三鱸魚飛集講堂前都講取魚進曰蛇鱸者鄉大夫服之象也數三者法三台也先生自此升矣五十乃始仕州郡後舉茂才遷荊州刺史東萊太守當之郡道經昌邑故所舉荊州茂才王審為昌邑令謁見至夜懷金十斤以遺震震曰故人知君君不知故人何也審曰暮夜無知者震曰天知神知我知子知何謂無知審愧而出後轉涿郡太守震性公廉不受私謁子孫常蔬食步行故舊長者或欲令為開產業震不肯曰使後世稱為清白史子孫以此遺之不亦厚乎元初四年徵入為太僕尋拜太尉年七十餘卒遺令以雜木為棺布單被裁足蓋形朝廷嘉其忠賜塋華陰潼亭遠近畢至先塋千餘日有大鳥五色高丈餘兩翼長二丈三尺人莫知其名乘止庭樹下地安行到柩前正立俯仰悲鳴淚下霑地衆人更共摩撫抱持終不離塋葬畢乃飛去郡以狀上下詔命太守具中牢祠之時人立石象鳥於其墓以昭其靈感子孫世為顯宦。

宋呂蒙正字聖功未第時甚貧窶讀書僧寺中所居之室夜常有光僧以

為蒙正之祥禮待甚厚蒙正亦自數見光不以為怪夜夢白衣老人指坐榻下語蒙正曰此有厚藏君當取之既覺了不留意一日鼠穿榻下地榻沉陷焉蒙正躬治地安榻見黃金一器白金二器在下蒙正覆之如故不取之亦不言也後登第累官至左補闕知制誥僧求施錢營造佛寺佛像蒙正曰故時榻下有藏可副所需僧往發之資用悉充乃大德蒙正每曰於佛前焚香祝之願蒙正及子孫世世顯貴後蒙正果登宰輔子從簡惟簡承簡行簡務簡居簡知簡皆為顯宦其家世世貴顯不絕

唐李景讓母鄭氏性嚴明早寡家貧居于東都諸子皆幼母自教之宅後古墻因雨墮陷得錢盈缸奴婢喜告母往焚香祝之曰吾聞無夢而獲身之災也天必以先君餘慶矜其貧而賜之則願諸孫他日學問有成乃其志也此不敢取遽命掩而築之三子景讓景溫景莊後皆舉進士第景讓官至太保鄭不貪婪而三子鼎貴天報豈虛哉

唐周頌者天寶中進士登科授慈溪令在官清廉有宗忽犯暴卒為地下所司追至一城其人將頌見王門外忽逢吉州刺史張乘乘問頌何以至

此地獄耶初頌雖死意猶未悟聞說地獄心甚悽然曰哽咽悲涕白乘云
毋老子勿漂寄異域奈何而死乘曰冥司善惡之報甚公以君平生為政
清謹不欺心貪財當不至死宜暫見王問則具言之必嘉君之行慎無自
苦也有頃使者引頌入見王王形貌甚偉頭有兩角問頌曰公作官不橫
取人財否頌云身是平時進士出身官至慈溪縣令儉約自守未嘗非理
受財王曰吾固知之但公壽數當盡故追至此今嘉公立心清慎宜增壽
筭可即還家頌再拜辭去乘甚喜云王已相糶理可早去頌云道路茫茫
何爾歸去乘令原追入送頌行數里其人大聲叫云秀才秀才使我去
送迎如是獨不解一言相訓行十餘里至一石井遂推頌落井而活自是
愈加廉謹歷數任年七十無疾而終

唐衢州范元之素貧篤志讀書感暑浴于水邊拾得金銀一袋於岸歸謂
其子曰世人以財為命萬一彼失此者自經於溝壑枉喪性命將如之何
翌旦父子携杖岸待之果有一婦悲號而至元之詰其故曰夫坐獄當死
易田得銀至此失之元之即以還之婦分與亦不受既而鄉里年少無知

勸善書卷一

四十八

者反謂其不能取銀經營生理空自守貧元之笑而不荅曰自歎曰吾平
生安分不貪豈可圖他人之財以厚於己而污吾之名哉識者賢之是年
其室產紫芝數莖光彩燁燁人知其為祥瑞也明年父子果登第歷十
二世皆為郡守

宋葉丞相夢鼎淳祐戊申知袁州仁慈廉謹任滿得替士民攀轅臥轍以
留之旗幟甚盛於內練旗有一聯云關部一毫無地入公廡兩字只天知
隨從吏人挿於歸舟過袁河口大江中忽大風掣去眾見直上雲霄在空中
中飛舞亦不見其墜此豈非公廡只天知之驗歟

宋楊中奉存吉水涵塘人元豐八年赴省宿息州旅舍既覺牀席間有
物環其背揭而視之乃鹽鈔二萬引明日詢主人曰前夕何人宿此主人
曰淮南一巨商某姓名也公曰此吾故人設其人回可與之言吾在某坊
某人家安歇又大書于所宿之房曰某年月日廬陵楊存寄此遂行不數
日商人果從故道處處物色之至息州主人以公言告且使自觀壁間所
書乃徑去京師訪公公曰果汝物耶當聞之官以歸汝商曰如教公詣府

悉以授商。府使中分之。公力辭曰：「既某欲之，前日奄為己有，泯默不言矣。商不能強，乃指數百緡，就京師相國寺設齋為公祈福。有彩雲、天花之瑞，眾皆謂公之德所感也。」是年公出焦、蹈、榜、下、厯官至中奉大夫。子孫皆貴。見原。

宋劉留臺少極貧，事越謁。歲久不能自存。一日至漳泉市浴堂中，捨金一袋，浴畢，託疾臥堂中，終夕不去。翌日有一人號泣而來，自言為商于外八年，只收得金八十五片，以一袋盛之，昨晚與同行携到此浴。浴罷棄月行三十里，始覺其金不見。劉遂舉以還之。商以數斤遺之。一無所受。及還鄉人愈薄之。責以捨金不能營生而復來相干。劉荅曰：「吾平生賦分止合如此。若掩他人物以為己有，是欺心矣。必有禍災。况商人辛勤所積，一旦失去，豈不哀哉？吾是以還之。人皆歎服其義。忽一夕夢神人告之曰：汝平生安分不貪，將有大顯。并及汝後嗣。劉曰：非其所敢望也。後果登第，官至西京留臺。子孫在仕途者二十三人。

宋樂平東關民張五郎，淳熙七年有親戚從假質物付以一金釵。過期不

物善書卷本一

四十九

反張自出錢往贖。輸息未足，還家遣婢雪香持所欠取之。既得釵，半途登厠慮其墜也，插于壁間。溷畢而忘之。行百步始覺，亟回適一弓手往來其外，即就索焉。拒曰：「未嘗見。」婢泣告曰：「我娘子性嚴急，此係陪錢取典。巴自忿躁，更將原物失去。必謂我與人有私以釵與之。將痛責我，循至死地。未可知也。」遂徑趨水濱。弓手懼其赴水，遽呼曰：「我實獲釵，本喜為橫財。今乃令汝就死，我不忍也。」即以還之。婢歸言其故。張歎息，語其妻曰：「雪香服事十三年矣，無分毫罪過。若回此自盡，可謂至寃。不如分付與人作一段好事，妻以為然。」併與釵以嫁十里外結竹渡邊民王二。其婦懷弓手恩，恨不問其姓名。尚能略記其形狀。經四年，回往溪頭挈水，渡舟人已滿載，中一人絕類弓手者，近而扣之信也。遽還家。其人辭以文書有限。若遲一渡便阻五里，不可相從。婦力懇，請與俱行。船即離岸，婦及家苦其夫方相與啜茶間，忽聞渡所呼噪喧厲，出視之，船屆中流而覆。溪漲正猛，不容奔救。溺死者九三十六人。惟弓手獨免。

宋南鄉人林積者，少時入京師，至蔡州息旅邸。既卧，覺床席間有物逆其

背揭席視之見一布囊又其中得錦囊實以珠數百顆明日詢主人曰
前夕何人宿此主人云潯陽周仲津林曰此人必復至幸令來上庠相訪
汝可具吾姓名告之數日仲津果以失珠物色至蔡郎主人具以告之乃
趨上庠訪積求之積驗其珠數皆相符合悉以歸之仲津邀大珠數十顆
為報積固不受仲津拜謝曰公處心不貪如此願公及子若孫世世富貴
後積登第官至太中大夫子德新為吏部侍郎其家遂世世簪纓不絕
天之報施信可徵也

宋郡君李氏有賢德嘗有貨珠子老媪李氏携珠子至既去遺珠子在地
郡君收之後媪踰時不至一日既至形容枯瘦精神恍惚非昔時也郡君
詰之曰向時所貨珠子歸則失去告其主以金十兩償之其主不許曰憂
愁感疾幾不能起郡君曰珠子當時遺在地我得之今在此媪驚喜涕
下願致金六兩以請郡君取還之金不受忽微疾夢乘車出曠野至大官
府見二偉人衣冠坐堂上引至堂下偉人方問姓氏郡君知其陰府遂誦
大悲呪左右皆驚愕其堂搖動不已二偉人立語曰勿誦放尔歸矣一吏
持大簿書至案偉人曰記得還李媪珠子事否郡君曰記之其一偉人曰
當增二十年壽其一曰得無太多也其一曰婦人而不受珠寶無貪得之
心此可尚也偉人即命還復乘車至門首而入見其尸卧帳中驚而悟
起後二十年乃卒

宋白中令應舉屢不第詣葫蘆生問命生殊不許後入安上門見一婦人
以新紬帕封裹一物令女奴捧之因在閤中女奴力勸置門闌上車馬駢
集婦人女奴忽相失乃遺帕裹在闌傍公為守護至日晏竟不至忽婦人
號泣而來公問之曰夫犯極刑有能救護者惟欲寶帶今晨遺失夫不
免極刑矣公即以帶還之婦人泣謝曰公秉心正直不貪財如此天地鬼
神必監公之德將大顯于時以享厚報也遂再拜去公明日又見葫蘆生
生曰秀才必種陰德前程非某敢量也來年果及第後位極人臣

活千人者。子孫必封。○將百萬之衆未嘗妄殺一人。其後世必有興者。○好生者。生之徒也。○活數千命。利莫大焉。

慈洽蒼生。拯救危苦。○我若見彼將被殺害。不捨身命救贖。其苦則不名為善。○良醫導之以針石。救之以藥劑。聖人和之。以至德補之。以人事。故體有可愈之疾。天地有可消之災也。○救一厄難人。勝餘一切施。衆星雖有光。不如一月明。

能救一夫之命。當延一紀之年。○常善救人。故無棄人。○見人窮急。度其死厄。見世明達。能制凶逆。年命長遠。世享無極。

感應。

漢梁皇后少時。以列女圖置於左右。以自警戒。父商深異之。謂諸弟曰。我先人全濟河西。所活者不可勝數。大位不究。而積德必報。若慶流子孫。儻興此女。乎選入掖庭。後為皇太后。臨朝。在位十九年。族皆榮貴。

勸善書卷之十二

漢鄧禹嘗曰。吾嘗將百萬之衆。未嘗妄殺一人。後世必有興者。其後自中興以後。累世寵貴。凡諸侯者二十九人。公二人。大將軍以下十三人。中二千石十四人。列校二十二人。州牧郡守四十八人。孫女為和帝皇后。曾孫女為桓帝皇后。信知活人必有厚報。

漢魏譚字少聞。王莽末。政亂盜賊起。人民相食。譚為夷所得。等輩數十皆縛束。當稍就噉。見譚貌謹勅。獨放令主炊養。有夷長公哀譚。謂曰。汝者皆當以次死。哀縱汝。急去此。譚不肯去。叩頭曰。我常為諸君主炊。養食馨肉肌香。餘皆菜食。羸瘦肉腥。臊不可食。我願就烹。長公義之。即相謂此兒有義。可哀縱也。賊遂皆放之。數十人皆得脫。其夕。譚夢天神告曰。因公好義。遂活此數十人。上帝命延汝壽二紀。後譚果以壽終。

唐劉鞠京兆萬年人。少警穎。及長。歷顯宦。所得俸祿。悉以分遺宗親。家無留藏。所至。以陰德為先。其在山南節度幕時。峒寇嘯聚。擄雲安。公引兵破城。裨將欲屠城。公不許。但除首從。餘皆全活。河西有溺子之風。公嚴其禁。民不敢犯。及解任。而所活者數千。公後與弟金吾將軍勳同入閩。金吾因

卜居崇安五夫。彌曰東族而朔卜居建陽之麻沙。彌曰西族。一日舟行至地名長平。見有赴水求死者。公力救之。詢其所以。則云欠錢六十貫。追迫日迫。無可還者。公曰。錢易得。人命難得。悉貸錢還之。人得以活。後公以開國致仕。子孫繁衍。歲時致祭祠下。三四百人。登科歷仕數百人。孫頌以直言諫君。謚忠簡。純以死節立廟。對忠烈。皆陰德之報也。金吾之後。有幹以靖康死節。謚忠顯。屏山子翬。以道德學問。為朱文公師。謚文靖。寶學子羽。以保守川陝有功。卒謚忠定。樞密琪。謚忠肅。籍溪胡靖庸。公憲嘗叙其謚。謂劉氏乃漢楚元王之裔。丞相梁文靖公克家亦叙其譜云。劉氏積陰德而族以大。本支所以蕃也。

唐咸通中。吉州牙將李質得重疾將死。忽夢入冥。見主吏曰。嘗活七人性命。合延十四年。吏執簿書以取上命。久之出謂質曰。事畢矣。遂命使者令送還家。至一高山。推落乃寤。自是疾漸愈。後果十四年而終。

五代章太傅妻練氏。素有賢德。乃章郇公得象之高祖母也。太傅建州人。任王氏為刺史。練氏智識過人。太傅出兵。有二人得罪欲斬之。夫人密使

勸善言卷十一

二人亡去。後二人俱奔南唐。為將攻建州。破之時。太傅已死矣。夫人居建州。二將遣使厚以金帛。遺夫人。且以一白旗授之。曰。吾將屠此城。夫人植旗於門。且吾已戒士卒勿犯也。夫人反金帛并旗不受。曰。君幸思舊德。願全此城之人。必欲屠之。吾家與衆俱死耳。不願獨生。二將感其言。遂罷太傅十三子。其八子皆夫人所生也。後子孫及弟。至達官者。衆人皆以為陰德之報。

宋少保王公明開寶八年乙亥。拜秘書少監。黃州刺史。時王師問罪金陵。公帥師入豫章。市不易肆。至戊寅歲。受代。徙傳舍。有黃衣來謁。延之坐。乃曰。公總兵入州。泊解任。不戮一人。惠及物者大矣。陰隲垂祐。無疆。袖中出一通青紙。朱篆數幅。曰。他日舟至大孤山。果有黃衣來謁。必能識之。才出門。即不及見。及至大孤山。果有黃衣戾止。公大喜。亟召見。即以篆文示之。乃曰。請紙筆。易為真字。即烏犀丸方。書畢而去。公神其事。遂依方合之。而病之服者無不效。

宋沙門烏罪。金舊制有定額。溢額則取一人。投之海中。馬默虔厚。知登州。

達言朝廷既貸其生矣。即投之海中。非朝廷本意。今後濫額乞選年深。自至配所。不作過人。移登州。神宗深然之。即詔可著為定制。未幾馬坐堂上。忽昏困如夢寐中。見一人乘空來。如世間所畫符使。左右挾一男一女。至馬前大呼曰。我自東嶽來。聖帝有命。奉天符馬。默本無嗣。以移沙門島罪人。事上帝。特命賜男女各一。遂致二童。乘雲而去。後生男女二人。

宋駕部郎中李宗固。景祐中良吏也。守漢州。有道士尹可元。善畫。因遺火得罪。當死。李君緩其獄。會赦得免。時可元年八十一。自誓且死。必為其子以報。可元死。李君子世昌之婦。夢可元入其室。遂生男子。小名蜀孫。幼善畫。喜讀莊老。事親以孝謹。寫真絕妙。一時東坡嘗贈古詩以序其事。

宋臨海太守。見配瓊崖人。以三百人為率。過其數則推先到者入海中。守乃申奏朝廷。云當來朝廷。所以不殺有罪之人。宥之遠方者。欲其生之也。今過三百人之數。則推先到者於海中。是復殺之矣。不若滿其數。俾先到者量移入內地。朝廷從之。太守素無子。一日忽設香案。俯拜。以手於案上。若取物。捲凡五次。取置懷中。復作拜而止。人問其故。乃云。天帝以我申奏。朝廷放還。推入海中之人。以小盤盛五小孩兒。賜我。乃取之。置於懷中。其年妻與四妾皆有娠。既而各生一男。皆登第。以此見天道好生。故有此報。若懷不義。以陷人命。其損折子孫可知矣。

勸善書卷十二

三

宋虞忠肅公彬甫。知太平州。舊例民舉子。必納添丁錢。歲額百萬。小民貧而有子。既無以給粥藥。安得錢輸官。故生子多不舉。丁口喪絕。公惻然憐之。為措置蘆荻稅錢一色。對補百姓。添丁錢百萬。生靈鼓舞。盛賜生子。並舉。丁口日增。先是公艱於子孫。明年雙誕二孫。自茲子孫蕃衍。此則不損子之吉報也。

宋許文規。被攝至冥司。以曾活一人。得延一紀而還。既出。望見一門守衛甚嚴。許以問吏。吏曰。此都獄也。但凡世間譏謔忠良。毀敗善類。常行陰賊之人。死後無問貴賤。皆當治罪于此。此陰賊良善。而必入地獄者也。

齊相州鼓山釋道豐。世稱得道之流。與弟子三人居相州鼓山中。不求利養。或云靈丹黃白。醫膏瘡。占相世之術。藝無所不解。齊高帝來往。并鄴常過。問之。應對不思。隨事標卷。帝嘗命酒并蒸。純勅置豐前。遣令食之。豐聊無

辭讓極意飽噉帝乃大笑亦不與言駕去後謂弟子曰除却床頭物及散
撤床見向者蒸狍酒等猶在都不似噉嚼者時石窟寺有一坐禪僧每日
西則東望山顛有丈八金像現此僧私喜謂觀靈瑞日日禮拜如此可經
兩月後在房卧忽聞枕間有語謂之曰天下更何處有佛汝今道成即是
佛也爾當好作佛身莫自輕脫此僧聞已便起持重傍視群僧猶如草芥
於大眾前側手指霄云你輩頗識真佛不泥龕畫佛語不出唇智慮何如
你見真佛不知禮敬猶作舊日欺我悉墮阿鼻又眼睛已赤叫呼無常合
寺知是驚憚及未發前舉詣豐所徑即謂曰汝兩月已來常見東山上現
金像耶荅曰實見又曰汝聞枕間遣作佛耶荅曰實然豐曰此風動失心
耳若不早治或狂走難制便以針針之三處因即不發及豐臨終謂弟子
曰吾在山久汝等有谷汲之勞今去無以相遺當留一泉與汝既無陟降
辛苦努力勤脩道業使指窻傍去一方石遂有懸泉澄曠不盈不減於今
見存

昔有賈客名為吉利入海取大珠寶安穩而出凡有八十億摩尼珠一

勸善書卷十二

皆直百億兩金以多寶物與一乞人不入其家復還至海掾取珠寶入海
之後倍得寶物經八十歲還到本國欲入城時見犯罪人殺者執縛打惡
聲敲街巷唱令將至殺處加以刑戮時應死者逢見吉利作是言賈客幸
救我死罪施我壽命是大檀越賢善好人吉利聞已與應死者咄人殺今
施汝無畏救汝死罪即至殺者所人人皆與一摩尼珠價直一億兩金汝
今小住待我今者至王邊還爾時吉利疾至王所白言大王我欲以好珍
寶買此人命王荅吉利是人罪不可恕不可得買若必欲買汝所有物盡
以與我并自代死乃可得脫吉利歡喜我得大利得滿所願能救此人得
稱我意即以居家所有財物及於大海所得珠寶無量千億金銀寶物皆
送與王白大王言可放此人我所有物盡獻在此與殺者言將吉利殺即
縛吉利將至殺處右手舉刀欲斫吉利手直不下驚惶恐怖即以告王自
看王聞此語即自執刀欲殺吉利舉刀兩手落地遂止不殺

金宋顯楚博州人親授金總持三藏穢迹持呪之法濟病解冤計所得施
利五萬斛入永壽常住後病中見彌善薩前迎蓮花徧滿技樂雜奏弟子

皆告留法師住世救苦淨土變相漸漸隱沒乃復住十五年行呪救人一日天樂異香佛及衆聖如前迎接即面西跏趺而化。

晉許敬之為旌陽令郡中屬歲大疫民死者十有七八敬之乃以所得神方拯治之凡符呪所及皆登時而愈至於沉痾之疾亦無不痊者郡中疫民既活救濟之道傳聞他郡病者相繼而至日以千計於是標竹於郭外十里之江置符於其中俾就竹下飲之皆瘥其悼老羸疾不能自至者及歸飲之亦獲痊愈故蜀民為之謠曰民無盜竊吏無奸欺我君活人病無能為後乃積功成道。

唐相國盧鈞為尚書郎時以疾出刺均州到郡羸瘠不而見人常於郡後山齋養性獨處忽一人衣弊衣踰垣而入云姓王自山中來笑而謂之曰即王山人也曰此來何以相教王曰公之貴位極人臣而壽不永災運方深故相救耳乃解丹一粒與之約曰此後五日疾當愈矣後三年當有大厄勤立陰功救人憫物此時當再相遇在夏之初也自是盧公疾愈三年解印還京署鹽鐵判官夏四月初道左忽見山人尋至廬宅喜而言曰君

勸善書卷十一

五

今年第二限終為災極重也以君為郡去年雪冤獄活三人之命災已息矣只此月內三五日小不康而已固無憂也自此後二十三年五月五日中午時可令一道士去萬頂相候此時君節制漢上當有丹藥相授勿愆期也自後出鎮漢南之明年已二十三年矣及期命道士牛知微五日午時登萬山之頂山人在焉以金丹二使知微吞之謂曰子有道氣而寡陰功未契道品更宜勤脩也以金丹十粒令授於公曰當奉上壽無忘脩煉世限既畢行還蓬萊宮忽不見其後知微年八十餘廬公年九十耳目聰鑒氣力不衰既終之後異香滿室矣。

宋葉知遠知嵐谷縣壽限當終其春首知遠之子與一臣室同謀私受財物妄入人罪誣以劫掠其勢炎炎罪及千家知縣覺其情并其子申於朝力為明辯遂免千家之罪城隍申奏知遠延壽一紀一年內妻妾生二子後皆榮顯然則善簿所記存心如知遠者必有福知縣若私其子以害民必自受責其禍當何如。

昔北方洞陰胡筆鬱絕五靈玄老君者本姓浩字敷明蓋玄皇之胤太清

之甯生於元福棄賢世界始青天中年至十二性奸幽寂心翫山水遠離家中或去十日時復一還時天下大荒人民餓死一國殆盡數明於地鏡山下遇一頃巨勝身自採取餉給窮乏日得數過赦度垂死數千餘口隨取隨生三年不還是時辛苦形體憔悴不暇營身遂至疲頓死於山下九天書其功德金格記其玉名度其鬼神於朱陵之宮帝遣金翅大鳥恒敷兩翼以覆其屍七百年中屍形不灰劫運既改水捧其屍漂於無涯水過數明屍落貝渭邪源初默天爵單之國北龔玄丘四十年中又經山火大行殯燒屍形屍於火中受鍊而起化生成人五色之雲覆蓋其上至開明元年於北龔玄丘改姓節諱靈會元始錫靈會洞陰朔單爵絕五靈玄老君號

宋黃十翁者名大言浦城人寓居廣德軍紹興二十七年十一月四日因病久心悸夢青衣童呼出門行大衢路經十餘里更無居民望樓觀嗟峨金碧相照童引入門罪人萬數立庭下殿上四人冠通天冠衣縷金袍笏席而坐一吏喚黃大言云汝數未盡誤追汝來命青衣童引出東門外如陽間市肆往來閨闈行未遠別見宮闕甚麗內外多牛頭王者冕旒乘圭坐其中威儀肅然紫衣吏問曰汝住世作何因果對曰頃歲兵亂時保五掠二人索財物無則欲戮之大言愍焉以錢二十千贖其死及平生戒殺持經造像數十事俄持巨鏡下照了無冤業即令詣總管司照對總管司之長稱舍人其副乃廣德軍故吏王珣與大言素厚謂之曰汝當再還人世若見世人但勸修善敬畏天地孝養父母歸向三寶行平等心莫殺生命莫愛非己財物莫貪女色莫懷嫉妬莫謗良善莫損他人造惡在身一朝數盡墮大地獄永無出期受業報竟方得生於餓鬼畜生道中佛經百種勸戒的非虛語又囑曰為吾口達信於我家我在公門豈能無過但曾

活三十一人有此陰德故得為神可造衣服一襲多誦經文化錢萬七千

賈具跪奏。城隍司以達我要贖餘過。且言世人以功德薦亡須憑城隍證明。方得獲福。若歲時殺物祭祀。亦祖先不享。此二事不可不知。後二日陰府會善男女於無憂閣下。隨其善行俾證道果。至於地獄囚人。亦驅至彼如州郡。囚廳赦罪。輕者亦脫苦受生。宜往觀之。至則觀所謂無憂閣者。衆寶所成。高出雲表。祥光徹天。男女皆在其下。其善者衣服盛麗。持香花經卷。徜徉采雲之間。玉砌金階之上。而地獄之衆。皆鎖梏囚執。疋劣憔悴。跪伏門外。喜懼相半。方顧視感歎。忽蕩無所覩。王總管云。已憑今日佛蔭。脫地獄苦。然皆失人身矣。回至總管司。見對事者亦衆。其相識者。託為囑子孫。巧功德。所付之語。皆生平閨門隱秘。非外人所得知事。畢。童道子之歸。望一鐵山。烈火焰然。燒炙群囚。號叫不絕。又一山有樹無葉。垂植刀劍。囚扳援而上。受割割之苦。積尸無數。大言合掌。誦觀世音地藏二菩薩。忽震雷一聲。二山皆不見。前行過一巖洞。臭河不可近。童子云。世人棄殘飲食。酒茗於溝渠。皆為地神收貯於此。俟其命終。則令食之。又行數里。再至王所。王勅云。汝還世五年。傳吾語於人間。作善者即生人世。受安樂福。作惡者萬劫不回。受無間苦。令聞此者。口口相傳。遂別命一青衣童。引出長春門。過橋失足。而寤。已初八日矣。

嘉言

勸善書卷一

七

無咎者善補過也。○改過不吝。○人情莫不有過。過而改之。是不過也。○過則勿憚改。○改敝從善。擇用嘉謀。則灾消福至矣。○君子能知其過。必有令圖。天所贊也。○智者改過而遷善。愚者耻過而遂非。遷善則其德日新。遂非則其惡彌積。○政之不脩。下災異以戒告之。改者雖免。必昌。不改者雖安。必亡。○克己復禮。終受多福。○善則有譽。改過則無咎。○責躬脩德。所以除患而福至。○以咎而自警。故脩德而蒙祉。○以能補過。故得無咎。○聖人以改過為大過。而不改。將文過以遂非。則有怙終之刑。過而能改。不貳過。以遠罪。則有遷善之美。○人之有過失。猶身之有疾病。攻之以藥石。誨之以廉耻。雖過失不害為賢者。雖疾病不失為全人。○事前而恐懼。則畏懼可以免禍。事後而恐懼。則悔可以改過。○知過之為過者。恐懼不敢為。不知過之為過者。殺身而後已。○逢災遇變。虧躬寅畏。應天以

誠終回咎謫○除妖去孽實在脩德○攻其惡無攻人之惡○聞善言則拜告有過則喜有聖賢氣象

○有惡知非改過得善罪日消滅後會得道○慚愧悔過能止一切惡法由我生改不藉他○能自改者與無過同○所生惡欲今當悔過發菩提心利益衆生○前心作惡如雲覆月後心起善如炬消闇○前路既落坑後車須改轍若也不知此恐君惡合殺比來是夜叉變即成菩薩○改往脩來滅惡興善○慳貪繼日廉諧曲登時正驅遣除惡業歸依受真性○自性內照三毒即除地獄等罪一時消滅○能自改悔守身良貞今世滅罪後世得申

教人改三過可為一勤○人豈無過改必以誠○知過必改知善必為○禁非止惡守而不為○學術不正習與性成則靜者動明者昏遇賢師而聞善言心有所悟則可復其性初之天○一念改脩頓歸清淨○思神存真謝罪解過上希神明感會之恩○君子貴遷善遷善也者聖人之徒歟

勸善書卷一

○善者以弱為強轉禍為福○過貴乎改過而不改真為過矣○其有曾行惡事後自改悔久久必獲吉慶○人誰無過過而能改善莫大焉○遷善當如風之速改過當如雷之決

感應

昔蜀都北郭民王尚忠富而無子行年四十心憂而計速廣求妾媵終無所出又取本支之子以為繼紹然資性險急妾媵少不如意則鞭笞之轉易之養子有違教訓則復逐之用心愈急為計愈踈歲月因循行將半百於是大設供具延請群望覲祝巫譚月餘不已梓潼帝君因化一居士語之曰栽植桃李既培壅之又灌漑之日月未久別其枝葉以冀速長復移其處加以糞壤時令未至撥其根芟視其堅否見其種植枝葉潤茂又復取之棄其舊土又復移易用心過勤終不成實可謂智乎曰不可梓潼帝君曰汝之求嗣何以異此吾今勸汝寧汝身心改汝前行寬人之力容人之過婢妾可畜者留之不可者嫁之宗人之子既捨所生呼汝為父堅汝初志略其細故汝室有子勿萌棄心脫人之死濟人之急贖人之窮憫人

之孤。一志行此。聽命于天。若此三年。必有善報。語畢而隱形不見。尚忠信之。以為神告。厥後嫁婢一十三人。所養二子。皆為娶婦。指授別業。使為久計。葬貧人父母五十餘喪。成貧男女八十餘婚。三年之內。果獲貴嗣。名曰神保。長而克家焉。

唐勾龍義。閬州人也。長慶三年。於郪縣傭力。自給。常以邑人有疾。往省之。見寫金剛經。義無故毀斥而止絕之。言便音啞。醫不能愈。頑豈無識。亦竟不悔。僅五六年。忽聞隣人有念是經者。惕然自責曰。我前謗真經。得此啞病。今若悔謝。終身敬奉。却能言否。自後每聞念經。即俯壁專心而聽之。月餘。疑如念得。數日。偶行入寺。逢一老僧禮之。僧問何事。遂拍口云。啞。僧遂以刀割舌下。便能語。因與念經。正如隣人之聲。久而訪僧。都不復見。壁畫須善提。指曰。此是也。乃寫經畫。洒善提像。終身禮拜。

字程虞。鄉建安人。嘗為他郡幕僚。受住剛豪。多結里中輕俠。椎牛釀酒。啜獵博塞。軌道三年。春。月赴一宗室家宴飲。酒酣。與同坐者入大中寺。至扣冰堂。繪匠方畫佛。壁內一侍者。貌古樸。指而嘆。悔之。是夜歸舍。醉寢。夢偕

勸善書卷十一

其友丁子和。行抵別館。逢兩僧持挺大呼。向前肆擊。急奔趨欲避。而前迫。室屋不可進。度事窮勢迫。乃俯伏作禮。引袞袂。祈僧怒少霽。謂曰。汝更食牛乎。對曰。願自此永斷。僧曰。汝若再食。來吾堂中。必別汝足。且縱汝歸。程再拜而歸。既覺。流汗浹於枕席。心怔營不寧。坐以待旦。詣丁生之門。方擬談說。丁錯愕。止勿言。先叙所以。無一辭異。於是相帥往扣冰堂。見兩像皆夢中僧也。怖懼益甚。遂絕意太宰。而餘事亦從缺哉。

宋周階。字升卿。泰州人。寓居湖州四安鎮。秦楚村守宣城。檄攝南陵尉。以病瘵告歸。夢就逮。至官府。緋袍入據案。治囚。又有緋綠者數十人。以客禮見。環坐廳事。一吏引周問曰。何得酷嗜牛肉。叱令鞭背。數卒掉曳以去。周回顧乞命。且曰。自今日以往。不唯不敢食。當與闔門共戒。坐客皆起為謝罪。主者意解。乃得歸。志覺。汗流浹體。疾頓愈。

宋京師人翟揖。居湖州四安鎮。年五十無子。繪觀世音像。懇禱甚至。其妻方娠。夢白衣婦人以盤擊一兒。甚韶秀。妻大喜。欲抱取之。一牛橫陳其中。竟不可得。既而生男子。彌月不育。又傳請如初。有聞其夢者。告揖曰。子酷

嗜牛肉豈謂是歟。揖竦然。即誓闔家不復食。遂復夢前婦入送兜至。妻抱得遂生子為成人。

昔秦隴間有村民。平生好食犬。烹殺不知其數。一日煮犬將熟。見皮上隱隱若有文字。疑其異。呼家人共視之。乃其父左臂上所刺者。時父死十二年矣。對之哀慟。從此絕食焉。

宋慶州都監廳白直兵士。得牛肝一片。破之。覺有物隱于刃下。視之。舍利滿中。一一圓明如小石。路公曹師是。駐劄于括蒼。親收得舍利數十枚。自是兵士誓不復食牛肉。

宋盛肇。凡有筵會。必殺牛取肉。巧作庖饌。恣啖為樂。一夕有扣門者。盛肇自啓門出視。見一蒼頭。授以青簡。展而視之。乃大字書云。六畜皆前業。唯牛最苦辛。但看橫死者。盡是殺牛人。讀之三過。人與簡俱亡。盛肇驚駭。自是戒食牛肉。

宋龍圖張公燾。即樞密直學士奎之子也。樞直為殿中丞。日奉朝請。在京師。稅宅于汴河南小巷中。居常閉閤。一日有人扣門頗急。大呼曰。小師入去。何故便不放出。張起視之。乃一老道士也。疑其狂且醉。不復與之校量。

勸善書卷一 二

良久乃去。邑君先姪。是夕生。燾登景祐元年第。進士甲科。後嘗誤食犬肉。夢青衣使者。逮至一府。宏麗如宮闕。見一道士。謂曰。何故食厭物。張自辨致曰。非敢故食。誤耳。道士曰。若然者。且止。吾為若言。少頃復出。謂張曰。可謝恩。乃引至二殿前。通曰。張燾誤食厭物。謝既再拜。而瘡汗流。體燾之。神骨清粹。襟懷夷曠。豈非仙曹之被請者歟。自是遂不食犬肉。

昔禮陽州王千五。舉家好食犬肉。嘗買一犬。沿路牽之不行。王千五怒。而箠楚之。犬忽作人言曰。吾尔父王千二。容緩行。毋更打我。王怒曰。尔畜生敢作人言。恣意鞭打。遂死於路。拖歸。真宰脫毛。見犬背上。隱隱有數字。在焉。仔細辨認。乃其父生時墨刺記。本生年月日時。並無差錯。自是舉家戒食犬肉。

昔穎昌府吳儀曹。好食犬肉。夢神告曰。狗死為人。人死為狗。互殺互食。自作自受。君能戒殺。富貴良久。家業田園。子孫保守。如違吾戒。惡報彰醜。矣。後亦誓不食。夫犬有義之物。家畜之。以防奸細。道家以為地厭。世間珍

味無限。何苦而食之。

宋穆度學次裴。青州人。政和四年為潁水沈丘主簿。赴同官宴集。及鷄臠至。不下筋。捐之再三。但拱手而已。問其故。曰。度平生好鬪鷄。一鷄既勝矣。復使再與他鷄鬪而敗。度甚怒。盡拔其腹背毛羽。鷄哀鳴宛轉。一夕死。未幾。夢為二皂衣。追去。行無人之境。遇戴金冠七道人。皂衣捨度拱立於側。執禮絕恭。度意其神也。趨揖致禱。其一人曰。汝生於酉。鷄為相屬。何得殘暴如是。今訴于陰司。決不可免。度惧甚。乞放還人世。當設醮六十分位。以謝過。仍資薦鷄託生。道人勅二吏釋之。遂寤。因循憚費。經歲未償。復夢二童來。攝迫趣急行。到官府。七金冠者列坐。責不如前所言。度俯伏請命。乞至本家增修百二十分。蒙見許。俄頃得回。度不寐待旦。亟延道流。誠懇還賽。自是之後。不復敢食雞。舉家亦同斷此味。今十餘年矣。諸客為之悚然。穆作異夢記。具述所觀。七道人者。實北斗七星靈化。穆氏素所嚴事。故委曲救護至此。

宋北京人聶進。家世奉道。不如犬鴈驚蒜之屬。唯進獨喜食之。其父嘗戒

勸善書卷十一

十一

之。輒曰。將止矣。他日復如初。年二十二歲時。病傷寒困頓。見青衣人來喚。遂應而行。踰山涉水。乃抵大城門。門吏問此何人。青衣曰。聶進也。吏曰。來矣。可速行。已而到一宮。關門下。復有吏。衣裾甚偉。亦抗聲問曰。何人。青衣復白。聶進也。亦曰。來矣。官人相候久。可速入。進殊驚悸。引至廡下。或呼令升階。進密舉首。見三人皆王者服。據案坐。諭進曰。汝嗜食厭物。雖父兄或飭。不敬聽。是何理耶。此等物亦有何好。進伏地告曰。茲蒙嚴旨。自此決當斷食。王曰。果能爾。當放還。進曰。若復念此罪。死不赦。王命吏送歸。冥行不知所之。及家。見孛累累。泣。吏推之。身投榻上。血汗從鼻出。約斗餘。移時漸甦。進病愈後。更不食其厭物。

宋婺州天慶觀道士徐澹然。字希孟。庸庸黃冠也。紹興六年。與同輩作醮事。既畢。就寢。因睡中若哽。回者。傍人呼撼。再三始寤。已不能言。索紙書之。云。適夢兩青童喚起。隨之前行。至大殿下。童持一狀讀判曰。戒子徐澹然。屢啣葷酒。對聖陳詞。可令罰啞一紀。旋以灰酒一杯。使飲。覺來即啞。凡數月。同輩共議為設醮祈謝。夢其母曰。不可為此。恐譴責愈重。乃書告眾止。

之未幾又夢一駛卒追縛到官府遇有著緋袍繫魚皮帶者立於西階問曰汝是戒子徐希孟耶曰字希孟非名也又曰是饒州人耶曰饒州也緋袍顧駛卒曰豈可錯誤遣人便放回將出門見舊所識司法司吏在門下揖與款語且云澹然坐如輦罪受罰啞一紀今因赴逮即能出聲如本觀道派之愆過固有甚於我者何為不治法吏言是日偶三官巡遊天下親見汝罪所以行罰徐因扣請凡平生所為不善事尚恐有可知而改者願以見告吏即令取一簿檢至徐名字第一項書云嘗打母一拳但年方五歲未為罪後一項云常孝思父母乞免涂疫病閱讀未了吏促之去行次水邊墜而寤其暗如初又半歲夢前者兩青童復來引詣故處唱云徐澹然改過奉道用心精勤可免先罰與清酒一杯使飲飲罷傍有三道士率之同遊天台山洗足墮溪俄覺則已身乃臥三清殿後淺水中呼道童披衲將入窻舍猶未啓閤徐聲音一切復故於是徧謁謝鄉老自述其詳

昔天府吏魁沈判司性慈善事玄帝三世矣一夕夢帝曰汝有大厄吾亦莫如之何沈泣拜求哀不已曰汝家人拋棄五穀罪歸家長雖有他善不能贖也夢覺視之信然後數日沈俾全家泛湖淨淘溝中棄飯細綾缸中棄炙加櫛芣為肉糜以待而家人日盱候沈不至怒歸餒甚爭食之斯瀆而盡又數日道所以皆慚悔而沈卒無恙嗚呼乞食得塊猶拜手以謝天賜况民以食為天可棄乎

宋紹興六年三月二十一日平江虎丘山有常州僧法道曰病入延壽堂忽變形作餓鬼頭目極大頸窄咽青口吐猛火人以食與之則呼曰鐵丸也不可食如是七日長洲令為請道法師救之謂曰汝生前想有隱惡急自言佛法客入懺悔我為汝誦呪解釋病僧久之方自言曰向日在廬山慧日寺作典座盜常住菜日換酒一升後作江州能仁副院將寬刺米沽酒有是二罪法師曰汝能知過善救汝即抉其口灌呪水僧昏然遂睡天明方醒已索湯粥漸進食數日愈

宋福州安國寺方丈有一猫十餘年捕鼠甚捷而不以魚肉向口寺僕嘗誤灑泔水一擔於地不即掃滌猫在傍意若熾惡即不食至于累日饑困且死長老忍入也以為畜產異類而敢妄作惡怒而投諸井中未幾長老

無疾奄化。未及龕歛，巽然而起。嘆曰：我却到陰府，見此貓乃是冥曹判官。望我入門，起身相揖，徑升殿。白王曰：某昔在世時，蒙其撫養之恩甚久。雖臨命一擲，不敢嗔怨。乞放之還生，以示報德。我已引立庭下。盡聞其語。王從所請，故得反覓。然則吾有負於幽明多矣。自是不敢復害物命。

字黃丞者，有艷妾，妻不容，付僧者而轉。其直張尉得之一歲而生男。張之兄戲曰：兒有名乎？曰：未也。曰：宜名黃兜，豈無黃家氣味耶？張之一家由是惡其母子。居無幾，妻有孕，張遂棄子。佃僕憐而鞠之。明年生女，數年又生女。又數年，螟一子。又數年，以過逐之。二女多病，皆殘廢而棄。子獨無恙，妻死，張悔，復子。其子年已二十矣。父子之恩復全。天理也。嗚呼！人可昧夫天理哉。

宋棗州山中有一村院僧，不修戒律，偶得一兩皮，戲被於身，搖尾掉頭，頗克肖之。或於道傍戲，鄉人皆懼而返走。至有遺其所攜之物者，僧得之喜。漸於要衝，伺往來有負販者，歛自草中躍出，昂然虎也。比棄所贖而奔，每蒙皮而出，嘗有所獲，自以得計。時時為之，忽一日被之，覺其皮著於體，及

伏草中良久，試暫脫之。萬方皆不能脫，自視其手足，亦虎也。爪牙亦虎也。乃近水照之，頭耳眉目口鼻毛尾，虎矣，非人也。心又樂于草間，遂捕狐兔以食之。孥攫飲啗，皆肅也。是後常與同類遊，屢復為鬼神所役，使夜則往來于山中，寒暑雨雪不得休息，甚厭苦之。形骸雖虎，而心歷歷然人也。但不能言耳。周歲餘，旦餒甚，求無所得，乃潛伏道傍，忽一人過于前，遂躍而噬之。既死，將分裂而食，細視之一衲僧也。心自惟曰：我本人也。幸而為僧，不能守禁戒，求出輪迴，自為不善，活變為虎，業力之大，無有是者。今又殺僧，以充腸，地獄安容我哉！我寧餒死，弗重其罪也。因仰天大誦，聲未絕，劃然皮落如脫衣狀。自顧其身，一裸僧也。奔舊院院已荒廢，乃用草遮身。投于俗家，得破衣數件，走于隣境佛寺，因遊方。止臨川崇壽院眾堂中，是時圓超上人，居看經堂，其僧侍立不懈。上人念其恭勤，乃問：爾何處人？出家幾夏臘？脩習何等法？而勤勤若此？對曰：某心有悔行，願回上人決之。但不欲他僧聞耳。乃屏侍者問之。其言為肅之事。叩頭作禮，求懺罪業。上人謂曰：生死罪福，皆由念作。刹那之間，即今天堂地獄。豈在前生後世耶？尔應念

為庸善念為人豈非證哉苟有志乎脫離者趣無上菩提還元返本念不著則人不為庸庸不為人矣方今閩中大善知識比丘爾其往哉僧乃奉教上人尋話於智作長老長老見之以向者事問皆無異同雙目猶赤眈眈然可畏也後入嶺不知所適

唐開元初尚書席豫以監察御史按覆河西時因下食求羊肝不得撻主吏吏生取羊肝以進豫見肝搖動不息頓感良久令持去乃取一絹為羊禱佛半日許豫暴卒隨吏見王王問殺生有道何故生取其肝獨能忍乎豫云初雖求肝肝至見動實不敢食言訖見一小佛從雲飛下王起頂禮佛言如豫所陳王謂羊曰他不食汝肝今欲如何尋放豫還

昔文銖者長安人也父母令於別業讀書為莊前堆阜之上置書堂焉而性本疎誕不樂文字但與隣里少年彈射飛鳥捕格野獸以為戲樂至於笞笞之具爵羅之屬弋網宜單弓矢槌刀靡不置之數年之間殺獲不可勝紀忽有道士見之謂曰子之頭何遽變耶銖驚而問之乃引於臺下令其窺井照之自見其入形而獸頭矣欲求道士悔謝更令孰視井中頃刻

勸善書卷一

一四

之間身形不改而頭已百變或鳥或獸或蛇或魚銖見之異常憂懼道士曰萬物營營各貪其生至於飛動皆重其命爾反天道而殺之當有此報耳每變一頭則受一生終尔所殺之數一一償之積月累日計其壽限自此之後尔身則死乃歷生異類之中報所殺之命百千萬年未有還復人身之日銖彌泣求救願焚弋獵之具以謝前愆洗心改悔不敢更犯道士見其誠至乃謂之曰我奉太上之勅歷救衆生之苦名曰救苦真人尔有昔緣早合遇道此苦不救淪陷無期乃以道士衣與之令其終身修道陰功救世廣濟物命方免前罪道士即踊身而起去地數丈立於金蓮花上左執瓊椀右執柳枝金冠鳳履身逾三丈通身有五色之光上連天表照耀一川逡巡乃隱文銖乃焚羅網之具披道士天衣於其處立殿製觀所見之像晝夜精勤焚香懺罪居十餘年又感真仙授以藥訣令遊行海內救人疾苦後乃得道而去

昔有老公其家巨富而此老公思得肉食詭作方便指田頭樹語諸子言令其家業所以諧富由此樹神恩福故尔今日汝等宜可群中取羊以用

祭祀時諸子等承奉教命。尋即殺羊禱賽此樹。即於樹下立天祀舍。其父後時壽盡命終。行業所追。還生已家。群羊之中。時值諸子欲祠樹神。便取一羊。遇得其父。將欲殺之。羊便嚙啞。而言曰。兒此樹者。有何神靈。殺於往時。為思肉故。妄使汝祀。皆共汝等同食此肉。今償殃罪。獨先當之。時有羅漢。過到乞食。見其亡父。受於羊身。即借主人道眼。令自觀祭。乃知是父心懷懊惱。即壞樹神。悔過修福。不復殺生。

首佛在舍衛

華言

國時拘薩羅國波斯匿

華言

王。勅典獄者。諸有盜賊。罪

應入律。詣市殺之。時有一賊。在大眾中。逃竊得脫。外假法服。私為沙門。然內不思。惟謂為永離。困厄之難。不復懼害。在閑靜處。不學道德。不習經義。律儀禪誦之道。然未得證果。不勤求證果。佛告彼人。已免生死。賊寇之難。故有餘恐。五盛陰身。輪迴五趣。無有解已。為諸結使。所見殘害。便當墮於餓鬼畜生之道。時比丘。在閑靜處。思惟校計。內自懇責。解知萬物皆悉。無常。生不久存。盡歸於滅。興衰之變。斯來久矣。即於佛前悔過。自責成羅漢道。

勸善書卷十一

十五

國朝吳興何山耆舊僧。擅權侮眾。素行不軌。尤嗜殺生。一日宰猪饌客。先以首入鍋煮之。自去俟其生熟。忽見一人首。張目咬齒。頭髮蓬亂。於沸湯中。翻覆可畏。僧見之。怖惧戰慄。若無所容。及遣人覘之。猶猪頭也。其僧因此改行從善。

昔摩竭

華言

國甘黎園中。城北石室窟中。有眾多獵師。入山遊獵。廣施羅

網。殺鹿無數。復還上山。時有一鹿。墮彼羅網。

強去

中大聲呼喚。獵師聞已。各

各奔馳。自還。隨槍傷害人民。不可稱數。雖復不死。被瘡極重。痛不可言。各相扶持。乃到其舍。求諸膏藥。以傅其瘡。室家五親。各迎屍喪。歸還。被瘡眾生。念知瘡痍。厭患。遊獵宿緣。應度。便自捨家。學道。作沙門。

昔舍衛國有一貧家夫婦。慳貪不信道德。佛愍其愚。現為沙門。詣門分衛。

時夫不在。其婦罵詈。無有道理。沙門語曰。吾為道士。乞食自居。不得

罵詈。唯望一食。婦曰。若汝立死。食尚頗得。况今平健。欲望我食。但稽時節。

不如早去。於是沙門立住。其前戴眼。打氣。便現立死。身軀膨脹。鼻口虫出。

腸潰腹爛。不淨流溢。婦見恐怖。失聲棄走。於是道人即化作琉璃小城。以

自圍遶其夫不能得入。即問道人。何不開門。道人曰。欲使開門。棄汝弓刀。其人自念當隨其語。若能得入。手拳加之。尋棄弓刀。門故不開。復語道人。已去弓刀。門何不開。道人又曰。吾使汝棄心中惡意。弓刀耳。非謂手中弓刀。於是其人心驚體慄。道人神聖。乃知我心。即便叩頭悔過。自責。答道人曰。我有弊妻。不識真人。使我興惡。願小垂慈。莫便見捨。今欲將來。勸令脩道。即起還歸。其妻問曰。沙門。所在。其夫具說神變之德。今者在彼。卿自宜往。改悔滅罪。於是夫妻至道人所。五體悔過。願為弟子。請問琉璃城堅固難踰。志明意定。永無憂患。何德致此神妙。道人答曰。吾博學無厭。奉法不懈。精進持戒。心不放逸。緣是得道。自致泥洹。

梁香閣黎止。益州青城山寺。時俗每至三月三。必往山遊賞。多將酒肉酣樂。香屢勸之。不斷。後因三月。又如前集。香令人穿坑。方丈許。忽曰。檀越等。嘗自飲。未嘗與香。今日須食。一頓。諸人爭奉肴酒。隨得隨盡。若填巨壑。至晚曰。我大醉飽。扶我就坑。不尔汚地。及至坑所。張口大吐。雉肉自口出。即能飛鳴。羊肉自口出。即馳走。酒食亂出。將欲滿坑。魚鮓鶩鴨。游泳交錯。衆咸驚嘆。誓斷宰殺。自後酒肉永絕。上山。此香之德風也。後因誌公寄語。遂化于寺。弟子等營墓。將殯。棺太輕。及開。止見几杖而已。

勸善書卷一

十一

昔給孤長者子婦玉耶。端正姝好。而生嬌慢。不事翁姑。夫婿給孤。念言。佛能化於一切。即詣具陳。欲屈一飯。而為玉耶說法。化令改過。佛既到家。大小皆來禮佛。惟玉耶不出。佛即變化其舍。墻壁皆如琉璃。內外相見。玉耶驚出。禮佛懺悔。佛告玉耶。女人不當自恃端正。輕慢其婿。何者。端正除去。邪態八十四垢。定意一心。是為端正。不以顏色為端正也。女人身中有十惡事。一者。初生父母不喜。二者。舉養視無滋味。三者。心常畏人。四者。父母憂嫁。五者。父母生離。六者。畏夫喜怒。七者。懷產甚難。八者。少為父母檢錄。九者。中為夫婿禁制。十者。老為兒孫所訶。後生至終。不得自在。玉耶白佛。稟受下賤。不知禮儀。願訓為婦之法。佛言。婦有五善三惡。何等五善。一者。夜臥早起。心常恭順。執事先啓。所尊甘美。不得先食。二者。夫罵莫恨。三者。不得邪非。四者。願夫長壽。五者。夫出整家。何等三惡。一者。不事翁姑。夫婿美食。先敢取。夫晚起。夫訶。應拒。二者。心不向夫。念他男子。三者。欲其夫死。

別嫁佛又告玉耶。世間復有七輩婦。一如姊婦者愛夫如弟。二如妹婦者敬夫如兄。三如善知識婦者。訶夫之過。教夫之善。四如婦者。竭誠事夫。唯和為貴。五如婢婦者。務循婦道。不妬聲色。如事大家。六如怨家婦者。見夫不歡。常如奇客。七如奪命婦者。毒心相向。毒藥宮之佛言。為五善婦者。常有顯名。後得生天。為二惡婦者。常得惡名。後入三塗。玉耶派涕。白佛言。我愚癡。自今以後。改往修來。當如婢婦奉事翁姑。夫婿盡壽不慢。受戒為優婆塞。佛言善哉。人誰無過。過能改者。善莫大焉。

宋劉琛之沛郡人也。曾在廣陵逢一沙門。謂琛之曰。君有病氣。然當不死。可作一二百錢。食以飯眾僧。則免斯患。琛之素不信法。心起忿慢。沙門曰。當加祇信。勿用為怒。相去二十步。忽不復見。琛之信行之。後病時氣。危頃殆死。至九日方晝。如夢非夢。見有五層浮屠在其心上。有二十許僧。送塔作禮。曰。此而寤。即得大利病。乃稍愈。後在京師住。忽有沙門。先不相識。直來入戶。曰。君有法緣。何不精進。琛之因說先所逢遇。答曰。此賓頭盧也。賓頭盧者。名語已便去。不知所向。琛之以元嘉十七年夏。於廣陵遙見。惠汪精舍。

物善言卷十一

十七

前。幡蓋甚眾。而無形像。馳往觀之。比及到門。奄然都滅。後遂證佛果。

唐右金吾兵曹京兆韋知十。舉家奉佛。然不斷肉食。永徽中。煮一羊脚。半日猶生。知十怒。家人曰。用柴十倍於常。不知何意如此。更命重者。還復如故。乃命剖之。其中遂得一銅像。長徑寸焉。光明照灼。相好成就。其家一生不敢食肉。

唐揚州白塔寺沙門道昶。掌知僧物。自在侵用。忽有冥官數人。白曰。入房拽昶下地。欲斷其頸。昶驚叫乞命。官厲聲言。合房資財。並送還僧。當放汝活。昶叩頭言。不敢違命。即聲鐘集眾。盡捨衣物。造像設齋。冥官三日復至。見昶一鉢一衲。不言而去。昶自是進脩。卒成明行。

昔婆伽婆在舍衛城。祇樹給孤獨園。爾時眾多比丘。到時著衣持鉢。入舍衛城乞食。聞波斯匿王宮門外。有多眾人民。各攜手啼哭呼喚。便作是說。於此園土。有大惡賊。名鶯崛鬘。殺害人民。暴虐無慈。村落居止。不得寧息。殺害人民。各取一指。用作華鬘。首飾。以是故名曰鶯崛鬘。願王當降伏此。人比丘食已。詣佛世尊。具陳前事。佛便往彼。時有眾入。擔薪負草。及畊田。

人有行路人詣世尊所語世尊言沙門莫從此道行所以然者此道中有
鴛岬鬘殺害人無有慈心於衆生城郭村落皆為彼人所害彼既殺人
以指作華鬘懼世尊遂更前進時鴛岬鬘遙見世尊來見已便作是念
今此沙門獨來無伴我當殺之即拔腰劍往至佛所世尊遙見便復道還
鴛岬鬘走逐世尊後盡其力勢不能及時鴛岬鬘便作是念我走能逮象
亦能及馬亦能及車亦能及暴惡牛亦能及人然此沙門行亦不疾盡其
力勢不能及尔時鴛岬鬘遂語世尊言住大沙門世尊告曰我久自住然
汝不住時鴛岬鬘便作是念我行惡行即捨腰劍五體歸命求為沙門受
具是戒佛言善乘比丘鬚髮自隨猶如剃頭彼所著衣化成袈裟佛為說
法成阿羅漢時王波斯匿集四部兵出舍衛城欲往殺彼賊鴛岬鬘先遇
世尊具向佛說世尊告曰若今王見鴛岬鬘剃除鬚髮著三法衣以信堅
固出家學道王意云何王報言若見當問訊禮敬無有害心然彼兇惡無
有慈心安能修行沙門之行時鴛岬鬘去佛不遠結跏趺坐直身正意繫
念在前時佛舉手示鴛岬鬘處時波斯匿見鴛岬鬘已便懷恐怖衣毛皆
豎佛言勿怖自到彼所當與王語時波斯匿王便往至鴛岬鬘所到已頭
面禮足在一面立時波斯匿王問鴛岬鬘言尊者鴛岬鬘今名何等鴛岬
鬘荅言大王我名伽瞿母名曼多耶丘王報言汝善自勉進我今盡形壽
供養尊者伽瞿衣被飯食病瘳醫藥牀敷卧具無所吝惜常當以法擁護
時波斯匿王頭面禮足繞三匝已詣世尊所白言世尊不降伏者能降伏
之

昔有國王喜食人肉勅厨士曰汝等密採人來以供厨食以此為常經十
二年後其王本身生兩翅飛行歌人已得四百九十九人時有國王始出
宮門逢一道人說偈求乞王即許之還宮當賜金銀其歌人王空中飛來
抱王得去還於山中其數已滿當發以祀天歌人王曰汝何不懼國王對
曰人生有死物成有敗何須愁耶但出宮時路逢道人為吾說偈即許施
物今未得施以是為恨今王弘慈寬恕假日施訖不敢違要也即聽令去
若不還者吾往取汝亦無難也王還宮即開庫藏布施遠近拜太子為王
後勤百姓辭決而去歌人王見其來即問曰身命世人所重愛者也而卿

捨命世之難有。不審何所志趣。顏說其意。國王咨曰。即日吾施至誠。願當得不退轉作佛。顏度十方。彼王問曰。求佛之義。其事云何。國王便為廣說。五戒十善。四等六度。於是心開豁然。從受五戒。不復噉人。為清信士。因放四百四十九人。各還其國。

昔有一極貧人。善曉鳥語。為賈客賃。擔過水邊飯。鳥鳴賈客怖。貧人反笑。到家賈客問言。我在彼飯時。聞鳥鳴。我大怖。而君反笑。何耶。荅曰。鳥向語我。賈人身上有好白珠。汝可殺之出珠。我欲食其肉。是故我笑耳。曰。汝何不殺也。荅曰。我坐前世貧人財物。故貧為賃擔。若復殺人取物。後世受苦。何時當已。我今寧死不為此事。

唐馬周者。華山素靈宮仙官也。唐受命。太上勅周下佐於國。而沉湎于酒。汨沒凡塵間二十年。棲旅困餒。幾於僵仆。聞袁天綱善相術。因詣之。以決休咎。天綱目之良久。曰。五神奔散。尸居旦夕。何相之有。周大驚。問禳制之術。綱曰。可自此東直而行。當有老叟騎牛者。不得迫而與語。但隨其往。此災可除。周如言而行。未出都門。果有老叟騎牛出城。默隨其後。繚繞村徑。

勸善書卷十二

十九

登一大山。周隨至山頂。叟顧見。下牛坐樹下。語曰。太上命汝佐聖孫。何為昏沉於酒。五神已散。旦夕將死。而不修省耶。周懵然未曉。曰。汝本素靈宮仙官。今太華仙王使人召汝。即引入宮闕。經歷宮門數重。至大殿。簾前有宣言責之。使還其舊署。自責省愆。叟與所司送於東廡之外。院中室宇宏麗。視其居則姓名存矣。啓鑰而入。爐火鼎盛。床席宛如。近棲上。沉吟思之。未能了悟。忽有五人。衣五方之衣。長大奇偉。立於其前。曰。我皆先生五臟之神。先生酣酒流蕩。濁辱其身。我等久居此矣。但閉目將復神室也。周瞋目久之。忽覺心智明悟。併憶前居。出仙王之庭。稽首謝過。求詣長安。明日復謁天綱。天綱驚曰。子何所遇耶。已廖矣。六十日當一日九拜。位至台輔。勉自愛也。貞觀中。勅文武各貢理國之策。周代常何奏策。意出人表。是日拜捨遺。監察御史裏行。自此累居大任。輔佐太宗。一旦群仙降室。曰。佐國功成。可以退矣。太乙徵命。無復留也。

梁桓闇者。不知何許人也。自西蜀來。事華陽陶先生。為執役之士。辛勤十餘年。性常黠。嘿沉静。奉役之外。無所營焉。一旦有二青童白鶴。自空而下。

集隱居庭中。隱居忻然。臨軒接之。青童曰。太上命求桓先生耳。隱居默然。心計門人無姓。桓者命求之。乃執役桓君耳。問其所修何道而致此。桓君曰。修嘿朝之道。積年親朝。天帝九年矣。乃方今日之召。將昇天。陶君欲師之。桓固執謙。卑不獲請。陶君曰。某行教脩造。勤亦至矣。得非有過而淹延在世乎。願為訪之。他日相告。於是桓君服天衣。駕白鶴。昇天而去。三日。密降陶君之室。言曰。君之陰功著矣。所修本草。以蚩虫水蛭輩為藥。功雖及人。而害於物命。以此一紀之後。當解形去世。署蓬萊都水監耳。言訖乃去。陶君復以草木之藥。可代物命者。著別行本草三卷。以贖其過焉。後陶君果解形仙去。又為茅山上清第九代宗師也。

晉許敬之諱遜。生而穎悟。少小通疏。與物無忤。嘗從獵。射一鹿中之。子隨鹿母。猶顧舐之。未竟而斃。因是惻然感悟。即棄折弓矢。學道得仙。

嘉言

○施不在豐。期於救乏。○積而能散。無多歲厚亡之患。○欲不匱。則博施。

○施小德者受小福。施大德者受大福。施大而受小者安。施小而受大者

勸善書卷十二

二十

危施而不受者昌。不施而受者亡。○與人交有美惡焉。施與報而已矣。與神交有禍福焉。感與應而已矣。施報感應。若形影聲響然。○其用財先九族。其施舍務周急。

○夫人為道。務在博愛。哀憫施與。德莫大焉。○為人大富。從布施中來。○

布施得財富。○不住相布施。其福德不可思議。○觀人施道助之歡喜。亦

得福報。○未離欲心布施。生人中富貴。及六欲天中。若離欲心布施。生梵

天上。乃至廣果天。○以財而施人者。其福可量也。以法而施人者。其福不

可量也。○施三種人。果報無盡。一者諸佛。二者父母。三者病人。○運心常

寬廣。此則名為布施。已惠於人。方可名為施。○好喜施人。飲食者。所生之

處。天厨自至。色力具足。聰慧辨才。壽命長遠。○若施法師。流通大乘。講宣

如來秘密之藏。令使大眾開其心眼者。得無量報。○若有貧窮。無財可

布施。見他脩施時。而生隨喜心。隨喜之福報。與施等無異。○財施如燈。但

明小室。法施若日。遠照天下。○請僧之時。僧次供養。無別異相。其福家多。○布施脩淨戒。智慧捨慳貪。功德日夜增。常生天人中。○所施福利成就。

福智得無生法忍。○給濟眾生廣植福業。致得成佛。○賢者好布施。天人自扶將。施一得萬倍。安樂壽命長。○施惡人百。不如飯一善人。福策深重。○給濟貧乏。苦惱眾生。其福曠然。不生悔悛。

○施恩勿求報。與人勿追悔。○日夜不忘乎欲利人。其澤之所及亦遠矣。○吾利益厚。吾施益博。○賑窮補急。則名生。起利除害。即功成。○布施粟庾。已不加貧。○積功立名。加惠及物。上天所鑑。○舍道抱德。推誠樂施。○濟人度物。所在通利。長生不死。永享貞吉。○其施厚者。其報美。○念道布施。負乏生富。貴聰明身。○財者。眾生性命。能捨命財。接濟孤貧。內息慳貪。外除剽奪。人天利潤。生死蒙恩。○一切布施。歡喜心。福報無邊。○以吾道。施人功德最重。○見人窮乏。飢寒困急。損已布施。令人富貴。福報萬倍。○施惠鳥獸。有生之類。割口飼之。無所愛惜。世世飽滿。常在福地。○一切眾生。如我眷屬。飢寒念與衣食。疾病念與醫藥。冤讎念與解釋。當後來世。證真人行。○散財施惠。開出倉庫。賑恤貧窮。積功累德。登上仙堂。○施恩不望報。聖賢也。施恩望報者。小人也。○如無至誠心。施雖多。而獲報少。喜捨不望報。施雖少。而獲報多。○損身施惠。後受大福。○施惠布德。念度眾生。死昇東華。受踊飛天。

感應

唐裴延年兄弟三人皆好惠施。一日有一老人踵門求漿。兄弟待之盡敬。老人曰。觀君兄弟皆長者也。積德如此。豈其無福。安史之亂。為老人所引入一洞中。由是得脫兵難。其後兄弟皆至大官。舉家壽皆過百。

唐神龍年中。襄陽將鑄佛像。有一老媪至貧。營求助施。卒不能得。媪有一錢。則為女時母所賜也。寶之六十餘年。及鑄像時。媪持所有。自發重願。投之鑪中。及破鑪。出像媪所施錢。着佛胸臆。因塵錯去之一夕。錢又如故。僧徒驚異。遂置錢不去。乃知至誠發心。必有感應。

宋奚百三本一貧者。一日見一道者。詣一鋪乞一文錢。鋪家睜眦不與。百三嫉之。取腰間一錢授與。是夕即夢道者與之。去贖及覺。願釐果落。

宋茶陵陳天福。歲凶。發粟平糶。貧不能食。則與米。無米則與飯。又無米與錢。貴糶賤糶。鄉里甚德之。一日有道人以銅錢一百二十為糶米一斗。陳

云道人要齋糧當納上一斗。何必用錢。道人受米出門。遂題四句於壁間。云遠近皆稱陳長者。典錢糶米來施捨。他時桂子與蘭孫。平步玉堂上。金馬陳後富有起。賑濟倉平糶濟人。生三子。長李忍。次李雲。三李芳。名蘭孫。父子皆請鄉漕。蘭孫補入國學。皆登第。官至太常丞。人云平糶之報甚豐。而道人者其仙乎。

宋張八公慶州龍泉人也。家富好施。鄉人德之。彌張八佛。產分二子。每歲禾穀率銅錢六十文一把。其歲歉。鄉價八十。其子意欲薄有所增。張公坐於門。看糶者出。問之價。曰略增些少。公以錢還之。自後其子價不敢增。至曾玄孫皆登第。時黃溪馮公為人本分。亦好施。人以呆稱之。其子夢蘭登進士科。鄉人謠曰。張八佛。子孫享其佛。馮大呆。子孫享其呆。

宋吉州仙居道堂嘉熙辛丑。堂隣有李老家。稍溫飽。道人來往。即供以好茶。深熟者予酒。適有幼子病瘵。骨瘦如柴。死期可必。忽有堂內三道人。半姿蒼古。來曰。令嗣能過堂。同榻一宵。則可再生。李老亟遣去。是夜兩道人夾之而睡。一道人蓋其上。其氣蒸人如火。病者如坐甌。幾不能堪。道人曰。且忍耐。凡若此者五六次。早起精神清爽。肌骨美暢。索飲食如常。不十日歡悅殊異。道人囑之曰。姑遲兩年。方可娶。若早則病復來。李老夫夫婦拜謝之。予以錢會布帛。一毫不受。但受果飲三杯。辭堂往袁州仰山。時天色晚。李老與堂中道衆告別。不從。所請方出門。則不見矣。乃知其仙也。

宋南劍州沙縣祝染者。遇歲歉。為粥以施貧。後生一子聰慧。請舉入學。李榜將開。忽街上人夢捷者奔馳而過。報狀元榜。手持一大旗。上書四字曰。施粥之報。及榜開。其子為特科狀元。

宋福州張善元。大家夫婦皆好善樂施。雲水道流群食其家。寶祐丁巳年。間張嘗於市見一道人。橫臥道傍。滿身汗穢。趨歸舍之。張以子擊。官急出。試妻曰。道人欲去。則以百錢遺之。次早道人告去。妻如夫。試道人索銀子。妻恠之。道人曰。昨日寄銀子二十兩。在你夫處。安得欺我。遂轉地大呼。不已。妻以少釵挿遺之。道人必如數。乃已。妻不得已。累增如數。償之而去。大恨。以為平生好善。乃獲此報。仍誠左右曰。夫歸切勿言。恐其好善之息也。未幾。其子將受刑。吏求銀二十兩。可免。欲取於家。恐不及。事在郎中太憂。

同鄉一道人曰我善乾汞為銀須用銀一兩為母及用汞一兩同煨之則皆成銀矣數雖多一夕可成張曰雖然將安所得母與汞哉道人曰君勿憂遂開篋取銀子及汞和於鼎中煨之但見青燄飛起高一五尺須臾青燄息道人以水投鼎中曰且視之則皆銀矣旦視之果然求道人不見店翁曰道人今早算結辭去矣張大駭取銀子秤之恰四十兩亟將一半免其子罪并攜其半以歸妻聞之方悟即前日道人所為也

宋朝東京未亂時遠郡有一士人補入太學肄習之暇常出獨坐學宇前茶肆中見道人手執道扇緣化士人盡傾篋中錢與之五六十日率以為常道人受施無厭心士人與之無吝色一日道人曰每受官人捨施今日還可請道人一茶否茶罷道人曰負道欲說一事幸毋泄官人可急歸去前程事不必問東京不久流血成池恐禍相及士人歸治行同舍問之具以實告或笑或侮士人心亦越趨明日復坐茶肆道人又至驚曰官人何為不去若不信貧道之言恐無及矣東京不日將陷城市往來之人半是鬼遂以布袖遮士人目令看但見行者或無首無足鬼形異象變幻不一士

人始驚亦不告同舍明早遂行方至城外而道人又在彼相送曰貧道無以為贈以此扇與官人遮日所過鄉落或有人群笑此扇則是鬼也切不可駐足若無人笑此扇時方可緩緩行則以此扇從便棄之言訖長揖而別回首道人亦不復見心疑異之士人持扇在手急走每過一處則見數十人或見三五十人或百十人相逐來觀群聚拍笑行甫兩日有來自後者則云東京已陷士人益驚兼程而進又行兩日而笑者漸少及更三數日則不復有笑者矣士人乃思道者之言遂將此扇棄之田中而去行將半里復自念曰道人以此扇遺我保全性命今既至此豈可忘而棄之再至元慶拾取則見所執之扇已化為髑髏矣

宋太平州通判葉仁字平甫嘗為文鏤板以為勸戒云食饌不可廢傳傳之浸遠殺生益多方書不可不傳救人疾苦陰德不少又常集諸經呪十餘本印施於水陸會中以為薦福之助一日有作水陸佛事而忘請經呪者是夜夢其先云汝雖至誠而不請葉通判經呪無益也其家感之遂再設冥陽之齋往請經呪且告葉葉乃以其板施於僧坊今遇水陸印施焉

昔舍衛國有長者生一男兒當爾之時天雨七寶遍其家內相師觀之白長者言兒相殊特生時有瑞應彌為勒那提婆華言寶天兒年長大才藝博通聞佛神聖心懷渴仰即辭父母往詣佛呀而白佛言願命出家佛言善來鬚髮自墮法衣在身佛為說法即得羅漢毗婆尸佛出現於世有諸居士共請眾僧種種供養時有貧人雖懷喜心無供養具以一把白石擬珠用散僧眾發大誓願好施貧人今此寶天比丘是乃至九十一劫受無量福多饒財寶衣食自然今遇我世得道果證

昔大月氏弗迦羅城中有一畫師名曰千那到東方多刹施羅國客畫十二年得三十兩金持還本國於弗迦羅城中聞打鼓作大會聲往見眾僧信心清淨即問維那此眾中用幾許物得作一日食維那答曰用三十兩金是得一日食即以所有三十兩金付維那為我作一日食我明日當來空手而歸其婦問曰十二年作得何物答曰我得三十兩金即問金在何所答言已作福田中種子婦言何等福田答言施與眾僧婦乃與夫言論不已適遇斷事大官問以何事故婦言我夫狂癡十二年作得金三十兩

不憐憫婦兒盡以施僧大官問其夫汝何不供給婦兒乃以施僧答言我先世不行功德今世貧窮受諸辛苦今世遭遇福田若不種福後世復貧貧貧相續無得脫時我今欲頓捨貧窮以是故盡以金施眾僧大官元是優婆塞華言清信士信佛清淨聞是語已讚言是為甚難勤苦得此物盡以施僧汝是善人即脫身瓔珞及所乘馬并一聚落以施貧人而語之言汝始施眾僧眾僧未食是為穀子未種芽已得生大果方在後耳以是故言難得之物盡用布施其福最多

昔佛在舍衛國祇樹給孤獨園時彼城中有一長者名曰沸疏財寶無量不可稱計選擇族望聘以為婦生一女兒端正殊妙世所希有額上自然有真珠鬘父母見之甚懷欣慶名諸相師占相此女相師觀已問其父母此女生時有何瑞相父母答言此女生時額上自然有真珠鬘因為立字名曰真珠鬘年漸長大稟性賢善慈憫孤窮有來乞者脫此珠鬘尋以施之續復還生如前無異時須達長者聞彼沸疏有此好女通致信命求索珠鬘聞須達名為兜求索前白父母慈哀憐愍若欲持我與彼兒者當作

要誓必共出家。然後與彼若不爾者。我不會著世俗榮華。時女父母愛念女故。不能違逆。尋即往至。語須達言。具陳女意。時須達聞是語已。共相然可。即為納髮。未經幾時。俱生厭心。尋共相往。詣佛所。求索出家。佛即告言。善來比丘尼。頭髮自落。法服著身。成比丘尼。精勤修習。各獲道果。三通具八。解脫諸天世人。所見敬仰。時諸比丘見是事已。前白佛言。今此真珠鬘夫婦宿植何福。生時自然有此珠鬘著頭。出家未久。獲阿羅漢果。爾時世尊告諸比丘。汝等諦聽。吾當為汝分別。解說此賢劫中。波羅柰國有佛出世。號曰迦葉。將諸比丘。鹿野苑中。轉正法輪。度脫衆生。時有長者名阿沙羅。聞佛說法。化度衆生。而作是言。我當勸化城中。民衆為佛及僧作般遮。于瑟華言五年大會作是語已。上白國王。乘大白象。行於市肆。處處道頭。勸化諸人。作般遮。于瑟時有婦女。見其勸化。頂上有珠。尋即問言。汝此珠鬘。為當與誰。婦荅夫曰。今阿沙羅長者。來至此中。勸化諸人。我解此珠。持用施與。夫即歡喜。更取寶珠。持用布施。因發願言。使我來世莫墮惡趣。天上人中。常有珠鬘。隨我俱生。佛告諸比丘。由於彼時。布施珠故。今得值我出家得道。

昔佛入舍衛城分衛。身衣有少穿壞。有一婆羅門。見佛衣壞。即其家中得少白氎。持用施佛。唯願如來。當持此以用補衣。佛即受之。佛與授記。使於當來世。兩阿僧祇劫之中。當得作佛。

昔迦夷國王名梵摩達。時出遊獵於曠野。見有一屋。即往趣之中。有一女。從求飲食。無索不得。王請相見。女都裸形。王解衣與之。著體便無。如是至三。王以問女。女荅昔為王妻。王飯沙門。又施衣時。諫但設飯已足。不須施衣。故受此罪。王欲令我得著衣者。為我作衣。先施沙門。及明經賢者。王求沙門。久不能得。可施五戒賢者。賢者呪願云。願令金床女。得福無量。得著衣。王問女曰。汝是何神。荅曰。我勝於人。小不及天。故在鬼神道中。捨此命後。當生第一天上。

昔佛在波羅柰國鹿野苑中。爾時梵摩達王。其婦懷妊。足滿十月。生一女。兜身被袈裟。端正殊妙。世所希有。召諸相師。占相此女。相師覩已。問其父王。此女生時。有何瑞相。父王荅曰。此女生時。身被袈裟。因為立字。名迦尸。

孫陀利年漸長大。衣亦隨大。稟性賢善。慈仁孝順。將諸侍衛出城遊戲。漸次往到鹿野苑中。見佛世尊。三十二相。八十種好。光明普曜如百千日。心懷喜悅。前禮佛足。却坐一面。佛即為其說四諦法。心開意解。得須陀洹果。歸白父王。我於今者。出城觀看。到鹿野苑中。見佛世尊。百福相好莊嚴其身。威儀庠序。容貌可觀。願王今者。慈哀憐憫。聽在道次。於時父王。愍此女故。不能違逆。將詣佛所。求出家。佛即告言。善來比丘尼。頭髮自落。法服著身。成比丘尼。精勤脩習。得阿羅漢果。三明六通。具八解脫。諸天世人。所見敬仰。時諸比丘。見是事已。前白佛言。今此迦尸孫陀利比丘尼。宿植何福。生於豪族。有此袈裟著身而生。及獲道果。爾時世尊告諸比丘。汝等諦聽。吾當為汝分別解說。乃往過去無量世時。波羅柰國。有佛出世。號迦那伽牟尼。將諸比丘遊行教化。時有王女。值行見佛。心歡喜悅。前禮佛足。請佛及僧。唯願世尊。受我三月四事供養。佛即然可。三月之中。受供養已。復以妙衣。各施一領。緣是功德。天上人中。尊榮豪貴。常有袈裟隨身而生。佛告諸比丘。欲知彼時王女者。今孫陀利比丘尼是。

昔佛在舍衛國祇樹給孤獨園時。彼城中有一長者。名曰須達。以百千金錢布施於佛。而作是念。如我今者。財富無量。雖以祇洹精舍百千金錢布施佛僧。不足為難。今若勸化貧窮下賤。減割針線。而用布施。乃名為難。復得無量無邊功德。作是念已。即便往白波斯匿王。尋便然可。即遣臣佐於其城內。擊鼓唱令。語諸人言。須達長者。今欲勸化眾人。以備患施於七日。乘大白象。於四衢道頭街巷里陌。處處勸化。時諸人等。心懷歡喜。競共布施。或以衣服瓔珞金銀寶物。種種鏤針線。隨家所有。持用布施。爾時有一貧窮女人。容作三月。得一張氈。規用作衣。見須達長者。勸化諸人。即便問於其傍諸人。彼須達長者。多財饒寶。無所乏少。乃能見於地中。伏感今何所乏。乃復佻人而行乞索。諸人語言。今彼長者。實無所乏。為憐愍故。勸化眾人。欲共脩福。請佛及僧。時此貧女聞是語已。心懷歡喜。而作是言。由我先世。未布施故。今若不施。後世遂劇。復自思惟。佛世難值。我今雖欲請佛及僧。悉無所有。我今身上。唯此一氈。若用布施。裸形而坐。設不用者。後無所望。我今貧苦。會當歸死。寧捨此氈。於隱牖中。擲與須達。須達得已。

遣人往看。見貧女人裸形而坐。時彼使者而問之言。汝今何故。用衣布施。貧女答言。我畏來世。遂更貧劇。以是之故。持用布施。時彼使者。具以事狀。往白須達。須達聞已。歎言。奇哉。即脫身上所著服飾。用施貧女。貧女得已。心懷歡喜。我今布施。現得花報。况將來世。豈無報乎。遂經數日。貧女命終。生忉利天。

昔旁著羅私佛在世時。有紡績者名績。常紡微綫。奉施如來。因白佛言。願愍我故。受此縷綫。生攝受處。以善根。於未來世。得成如來。能攝一切。如是日。施一縷。滿千五百。由此福故。十五拘胝百華言不墮惡趣。百拘胝反為轉輪王。千拘胝反作天帝釋。奉觀千拘胝佛。又以香華衣服之屬。供養如來。從是已後。經一阿企耶劫。出現於世。證大菩提。彌善攝受如來。由施微縷。發心大故。次第展轉。成滿佛法。當知由心。不由於縷。而說頌曰。行施不求妙色財。亦不願感天人趣。為求無上勝善提。施微而獲求大果。

昔天帝白世尊曰。我先世時。生拘留大國。為長者子。青衣袍。行入城遊觀。值遇眾僧。街巷分衛。時見人民。施者甚多。即自念言。願得財寶。布施眾僧。

不亦快乎。即解珠璣布施。僧眾同心。呪願歡喜而去。從此因緣。壽終。即生忉利天上。為天帝釋。九十一劫。永離八難。

昔毗婆尸佛時。有一比丘。頭痛之患。薄拘羅尊者。夙為貧人。因持一訶梨。勤菓施之。病愈。緣施菓故。九十一劫。天上人中。享福快樂。未嘗有病。最後生婆羅門家。其母早亡。父聘後妻。拘羅年幼。見母作餅。從而索之。後母憎嫉。即投拘羅。擲置鐵上。鐵雖焦熱。不能燒害。母後煮肉。拘羅復索。母益瞋恚。尋擲釜中。亦不能煮。母後向河。拘羅逐去。尋擲水中。大魚吞之。遭捕入市。遇父買歸。將剖魚腹。拘羅尚活。告父安詳。無致傷兒。父既見子。喜抱而出。長大出家。得羅漢果。鐵熱不焦。釜煮不爛。水溺不漂。魚吞不死。刀割不傷。年百六十無疾。由施病僧一菓。

昔有一比丘尼。名曰柰女。即從座起。整服作禮。長跪叉手。白佛言。我念先世。生波羅柰國。為貧女人。時。世有佛名曰迦葉。時與大眾圍繞。說法。我時在座。聞經歡喜。意欲布施。願無所有。自惟貧賤。心用悲感。詣他園圃。乞求菓菜。當以施佛。時得一柰。大而香好。擎一盃水。并柰一枚。奉迦葉佛。及諸

衆僧佛知誠意，願受之。分布水柰，一切周普。緣此福德，壽盡生天，得為天后。下生世間，不由胞胎。九十一劫，生柰華中，端正鮮好，常識宿命。今值世尊，開示道眼。

昔有一貧家，供養道人，施與衣食。年便去，用一銅瓶。乞主人言：「是神打此瓶口，所索皆得。」莫請州主，別後貧家遂巨富，忘道人。罵，遂請州主。主問富曰：「實而吞主。」主即奪瓶，家轉窮弊。方憶道人，四出覓見，依實白言。道人曰：「汝須此瓶，乞君一楹，盛以材石，實詣主門，求索瓶也。」直到主門，高聲索瓶。主聞大怒，遣數十人欲來捉之，開出材石，風吹橫空，主使人身，為此木石打破頭額，復出千人風勢，所破死尸塞門。主大怖悸，求還其瓶。其人得瓶，家復大富，廣作功德，死得生天。

昔佛在波羅柰國，穀米湧貴，人民飢饉，擔草賣以自活。彼有緣覺，名曰和理，來遊其國。我早出城，欲擔負草。爾時緣覺著衣持鉢，入城分衛。至於中道，吾負草還於城門中，復與相遇。空鉢而出，和理緣覺遙見吾來，即自念言：「吾早入城，此人出城，今負草還，想朝未食，吾當隨後往詣其家，乞以過。」

勸善書卷一

三十一

飢我時，擔草自還其舍。下草著地，顧見緣覺追吾之後，如影隨形。我心念：「朝出城時，見此緣覺入城，今衛如空鉢還，想未獲食，吾當斷食以奉施之。」即持食出，長跪授之。道人慙受，其緣覺曰：「今穀米飢貴，人民虛餓，分為二分。一分著鉢，一分自食，為應法爾。施主報之，唯然。聖人，願徐食之時，彼緣覺老，受飯食，吾因是德。七反生天，為諸天王。七反在世，人中之尊。」曰：「此一施，為諸國王長者人民群臣百官所見奉事，四輩道俗所見供養，自來求吾，吾無所須。」

昔佛在世時，舍衛城中有一長者，財寶無量，其婦生一男兒，端正殊妙。世所希有，當生之日，天降大雨，父母歡喜，舉國聞知，相師占善，因為立字，名耶奢蜜多。不飲乳哺，其牙齒間自然八功德水，用自充足。年漸長大，見佛出家，得阿羅漢果。諸天世人，所見敬仰。時諸比丘見是事，已請佛為說宿福因緣。爾時世尊告諸比丘：「此賢劫中，有佛出世，號曰迦葉，於彼法中，有一長者，年極老耄，出家入道，不能精勤，又復重病，良醫占之，教當服蘇病乃可差。尋用醫教，取蘇服之。於其夜中，藥發熱渴，馳走求水，水器皆空，復

趣泉河並皆枯竭。如是虔虔求水不得。深自悔責。於彼河岸脫衣繫樹。捨之還來。至其明旦。以狀白師。師聞是語。即答之言。汝遭此苦。狀似餓鬼。汝今可即取我瓶中水。至僧中行。即受教取瓶水。水盡涸竭。心懷憂怖。謂其命終。必墮餓鬼。尋詣佛所。具陳上事。而白世尊。幸為見示。佛告比丘。汝今當於衆僧之中。行好淨水。可得脫此餓鬼之身。聞已歡喜。即便僧中常行淨水。經二歲。即便命終。在所生處。其牙齒間常有清淨。入功德水。自然充足。不飲乳哺。乃至今者。遭值於我。出家得道。比丘聞已歡喜奉行。

昔有長者名鳩留。不信今世後世善惡。報應與五百人共行治生。未到他國。絕食三日。前行遙見叢林。想是居家。到見有樹神。即為作禮。具說飢乏。神即舉手。指端自然出飲食。甘水與之。鳩留飽滿。大踴笑。神問何故。荅曰。吾伴五百人。皆大飢渴。神令呼來。復與飲食。人馬皆是。鳩留問神。本有何福。自致如是。神曰。我本迦葉佛時。作貧窮人。恒於城門摩鏡。有沙門出入。常喜指示。令衛之處。及佛圖精舍。如是非。壽終生。此自然受福。無所乏短。長者心悟。乃大脩布施。日飯八千人。淘米之汁。派出城門。足以乘舟。後

生第二天上。作散花天人。

勸善書卷之二

三十一

昔佛在世時。迦毗羅衛華言澤城中。有一長者。其家臣富。財寶無量。不可稱計。生一男兒。端正殊妙。與衆超絕。其初生時。於虛空中。天神出現。遂自然有一大幡。遍覆城上。父母見之。歡喜無量。因為立字。名波多迦。年漸長大。求佛出家。得阿羅漢。三明六通。具八解脫。比丘見已。便白佛言。此波多迦。宿植何福。生便端正。與衆超絕。於虛空中。有大幡。蓋遍覆城上。又值世尊。出家得道。佛告比丘。乃往過去九十一劫。毗婆尸佛。入涅槃後。時有王名。繫頭求帝。收其舍利。造四寶塔。而供養之時。有一人於彼塔邊。施設大會。作一長幡。懸著塔上。發願而去。緣是功德。從是以來。九十一劫。不墮惡道。天上人中。常有。大幡。覆蔭其上。受福快樂。乃至今者。出家得道。

昔佛在世時。佛與阿難。從舍婆提華言開物城。向婆羅門城。時婆羅門城。王屬外道。聞佛欲來。即立制限。若與佛食。共佛語者。當罰金錢五百。後佛來到。入城乞食。人皆閉門。佛與阿難。空鉢而出。見一老婢。持破瓦器。盛臬瀉淀。出門棄之。見佛相好。空鉢而來。心念欲施。佛知其意。卽鉢從乞。呼菓

瀋泛婢即淨心持來施佛佛受施已語阿難言此婢目施十五劫中天上人間受福快樂不墮惡道後得男身出家成辟支佛

昔有婆羅門國名多昧象其王奉事異道王忽一日發其善心欲大布施如婆羅門法積七寶如山有來乞者聽令自取重一撮去如是數日其積不減佛知是王宿福應度化作梵志往到其國王出相見禮問起居曰何所求索莫自疑難梵志荅言吾從遠來欲乞珍寶持作舍宅王言大善自取重一撮去梵志取一撮行七步還着故處王問何故梵志荅曰此纔足作舍復當取婦懼不足用是以不取王言更取三撮梵志即取行七步復還故處王問何以荅言此足娶婦復無田地奴婢牛馬是以息意也王言更取七撮梵志即取行七步復還故處王言復何意故梵志荅言若有男婦當復嫁娶吉凶用費計不足用是以不取王言盡以積寶持用相上梵志受而捨去王其恠之重問意故梵志荅言本來乞丐欲用生活諦念人命處世無幾萬物無常旦夕難保曰緣遂重憂苦日深積寶如山無益於己貪欲規圖徒自勤苦不如息意求無為道是以不取王意開解奉教於是梵志現佛光相踊住空中為說偈言雖得積珍寶崇高至于天如是滿世間不如見道迹不善像如善愛而似無愛以苦為樂像狂夫之所厭王見佛光又聞此偈王及羣臣即受五戒得須陀洹道

昔有人大富而慳其婦好佛法欲施不敢壻臨入海先以鐵蒺藜三重繞舍婦礙之不能得出一心念佛諸鐵闕變成鵝毛取絹一匹寄入施佛佛受呪願夫與五百伴共在海中他皆為鬼所噉唯留其夫諸鬼相語曰是人有婦事佛不可近也伴侶死盡獨得寶還問婦何事婦具告之二人歡喜即布施佛僧設會遂得道果

昔佛在世時迦毗羅衛國中有目連同產弟大富饒財七寶具足庫藏盈溢奴婢僕從不可稱計時目鍵連數往弟家而告弟曰卿慳嫉不好布施佛常說布施獲報無數卿今施者得福無量弟聞兄教開藏布施更開新藏欲受其報未經旬日財寶竭盡故藏悉空新藏無報其弟懊惱向兄說曰前見勸施獲大報不敢違教諸來求乞竭藏盡故藏悉空新藏無報將無為兄所疑誤耶兄曰止止莫陳此語勿使外道邪見之人聞此謔言

若使福德當有形者。虛空境界。所不容受。吾今權示汝微報。即以神力手接其弟至第六天。見有宮殿七寶合成。香風浴池。庫藏盈溢。不可稱計。玉女侍從數千萬眾。純女無男。即問兄曰。是何宮殿。巍巍乃爾。目連告弟。汝自往問天女曰。是何宮殿。七寶合成。巍巍堂堂。懸虛空。誰有福德。於中受報。天女報曰。閻浮提內。迦毗羅國中。釋迦文佛神足弟子。名曰目連。彼有賢弟。大富長者。由好布施。後生此處。而與我等作其夫主。弟聞歡喜。善心生焉。還至兄所。具白其情。目連告曰。夫人布施。為有報耶。為無報耶。弟懷慚愧。向兄懺悔。後至家中。轉更脩福。命終之後。即生天上。受斯果報。

昔佛在舍衛國。祇樹給孤獨園。時彼城中。有一貧人。名曰拔提。為他守園。用自存活。每於一日。擔一樵木入城。欲賣值城門中。見一化人。語貧人言。汝今若能持此樵木。用與我者。我當施汝百味飲食。時彼貧人聞化人語。心懷歡喜。即便以木授與化人。化人答曰。汝今持木。隨我後來。共詣祇桓樹。當與汝食。時彼貧人。即相隨逐。到祇桓中。見佛世尊。三十二相。八十種好。光明普曜。如百千日。心懷歡喜。前禮佛足。即以樵木奉施。世尊世尊。受已。挿著地中。佛以神力。令此樵木。須臾之間。枝條生長。花果茂盛。團圓可愛。女尼拘陀樹。華言無世尊在下。結跏趺坐。為諸人天百千萬眾。演說妙法。貧人見已。心懷喜悅。即便以身五體投地。發大誓願。以此施佛樵木功德。使我來世得成正覺。廣度眾生。如佛無量。數是願已。佛即微笑。從其面出五色光。速佛三匝。還從頂入。爾時阿難白佛言。如來尊重。不妄有答。以何因緣。今者微笑。唯願世尊。敷演解說。佛告阿難。汝今見是守園貧人。施我樵木。不阿難白言。唯然。已見彼貧人者。以信敬心。施我樵木。善根功德。於未來世。經十三劫。不墮地獄。畜生餓鬼。天上人中。常受快樂。家後身得成辟支佛。號曰離垢。廣度眾生。不可限量。是故笑耳。爾時諸比丘聞佛所說。歡喜奉行。

勸善言卷十一

三十九

昔有大富家。食口六人。奴婢金銀珍寶。不可稱數。佛與阿難。街里分衛。佛到其門。父母兒子。妻婦孫息。踊躍歡喜。請佛入座。以歡麩布地。食器皆以金銀。佛言。此人前生值飢餓世。家中窮乏。唯採諸菜。用自擊命。作羹適熟。外有道人分衛。出見沙門父母。便言。我分與之。兜子孫息。各自已分與之。

外有道人分衛。出見沙門父母。便言。我分與之。兜子孫息。各自已分與之。

讓母令食。六人一時發意。各一日不食。唯恨家貧無好供養。緣此之福得生天上人中。當得安隱豐饒財物。以其發意同等之故。世世共作同緣。今重相值。父母兒子大小。一時皆持五戒命終。生天受福無量。今日值佛。皆得羅漢。

昔王舍城有一織師。織師有婦。又有一兒。兒又有婦。有一奴一婢。一時共食。有辟支佛來就舍乞食。各欲當分捨與辟支佛。言各減少許。於汝不少。在我得足。即共從之。辟支食已於虛空中。現諸神變方去。織師眷屬捨命生四天王天。

唐元和八年。法師智誓與辨解絕倫。然寡徒侶。偶有者宿閱誓著述。乃曰。汝識至高。頗符佛意。今寡徒衆。蓋缺人緣耳。佛猶不能度。無緣。況初心者乎。可辦食布施飛走。却後二十年。當自有衆。誓如其教。炊米散郊外。感鳥大集。搏飯。誓祝曰。食吾飯者。願為法侶。後二十年。誓往鄴城開講。座下有衆千餘人。皆年少比丘。

昔有一比丘。名曰須陀耶。即從坐起。整服作禮。長跪叉手。白世尊曰。我自

物喜書卷十二

惟念先世之時。生維耶離廣嚴國。為小民家作子。時世無佛。衆僧教化。我時持酪入市欲賣。值遇衆僧大會講法。過而立聽。法言微妙。聞則歡悅。即舉瓶酪布施衆僧。衆僧呪願。益懷欣踊。緣此福報。終生天上。下在世間。財富無限。九十一劫豪貴尊榮。

昔有比丘名阿難。白世尊曰。我念宿命。生羅閱祇國。為燕氏子。身生瘡。治之不瘡。有親友道人來語我言。當浴衆僧。取其浴水。以用洗瘡。便可得愈。又可得福。我即歡喜往到寺中。加敬至心。更作新井。香油浴具。洗浴衆僧。以汁洗瘡。尋蒙除愈。從此回緣。斯生端正。金色晃晃。不受塵垢。九十一劫常得清淨。福祐廣遠。今復值佛。心垢消滅。速得應真。

晉豫章金公。世居西山金田。以進納補官。朴直公正。鄉閭所推服。許真君與郭璞擇地。至其所居。璞曰。璞相地多矣。未見有若此者。如求富貴。則必有起歇。如欲棲隱。大合仙格。其岡阜圓厚。位坐深邃。三峯几立。四環雲拱。內外勾鎖。無不合宜。大凡相地。無相其人。觀君表裏。正與地符。乃與真君同謁公。公欣然出迎。歡如平生。璞曰。許君欲置一舍為修煉之地。故

同璞上謁公曰竊觀許君仙風道骨非塵埃中人第恐此地不足以處君耳君誠有意當併致莊產以為薪水之資許君曰雖蒙傾蓋然受之無名願聞所需多寡惟命公曰大丈夫一言道合身命猶以許人况外物乎老夫拙直平生無用文券乃取一大錢中破之自收其半以半授許君曰以此為券明日遂挈家居西林之廬舍至卒老焉玉隆宮有神曰西林地主顯忠真官即公是也

晉何充字次道廬江人位至尚書令驃騎將軍揚州刺史錄尚書事輔正盡忠好善惡惡奉佛敬道三教經典莫不通究心好惠施多立功德貧窮患難皆得其濟每遇善事靡不力為以永和二年病卒年五十上帝以其功德從北帝內禁御史今在南宮承華臺中已得受書行至南岳中以其世施惠之功甚多故得返形并朱官受化

宋杭州蔣相公者世為杭州人生建炎間樂賑施每秋成糶穀預儲貴則賤糶如元價歲歉或捐以與飢者死之日囑其二弟曰須存仁心力行好事里人相與塑其像以報仁心所趨靈應如響祈卜者肩相摩咸淳初賜

廟額曰廣福六年安撫潛說友請於朝封神及二弟皆列侯曰孚順孚應孚祐侯

晉焦光字孝然河東太原人也。在世已百七十歲常食白石以令人狀如者芋也。曰曰入山伐薪以布施人。先從村頭一家起周而復始。擔薪以置人門外。人見之時。布席與坐。為設食。光便坐。食亦不與語。若人不見。其往時。仍置薪於人門間。便去。連年如此。結草菴於河邊。衣弊。即於市中賣薪。以買故衣着之。冬常單衣。野火燒其庵。人往視之。見光如故。在庵不動。火過去。庵盡。光徐徐起。衣服不焦灼。又更作庵。而忽大雪。沒人馬。人屋都壞。村人往視之。不見光所在。疑是庵壓死。乃共抄舉索之。見光卧於雪下。甚有溫顏。了無寒色。人知其異。欲從學。道光曰。我且無道也。或忽老忽少。如此二百餘年。乃與人別去。曰。我本神仙。以仙功少。布施之德。故來世間償其願也。言訖。不知所之云。

漢王探字養伯。太原人也。初呂后攝政。探抗跡終南山。居樓觀。以朝元煉藏。吐故納新為務。年三十六。常誦道德經。多行賑惠。感仙人趙先生。托以

狂人。形容毀弊。從探求乞不已。而欣然極之。乃密告之曰。我試于耳。子可教也。遂授黃庭內景之訣。及諸仙所授秘道。漢武元朔六年正月。西靈金母遣仙官下迎。為太極真人矣。

宋石元朴。桐川人。辭家來向曲山。結庵於山下路傍。每以草履施人。又以藥濟人。一旦感鍾呂二仙。授以雙仙透風丹。并飛步丸等藥方。元朴愈加救濟之心。施藥不怠。後遇覃甲楊仙人。授以至道仙化而去。

漢陰長生者。新野人也。陰皇后之宗屬。少生富貴之門。而不好榮位。樂施好道。聞有馬明生得度世之道。乃尋求之。遂與相見。執奴僕之役。親禪履之勞。久而明生不教之。以度世之法。但日夕與之高談當世之事。治生田農之業。如此十餘年。長生不懈息。同時往事明生者十二人。皆怨恚。婦去。獨長生不去。禮敬彌肅。明生乃告之曰。子真是得道者。乃將長生入青天山中。煮黃土為金以示之。立壇軟血。以太清神丹經授之。乃別去。長生歸合丹。又服半劑。不即昇天。而大作黃金十數萬斤。以布施天下。窮乏無間。識與不識也。周行天下。與妻相隨。舉門皆壽而不老。後於平都山中白日昇天。

唐王柯。字仙柯。青城橫源人也。母丁氏。夢天星照身。及覺。室內有光。曰。而有孕。生而紫胞綠脉。形狀異常。幼穎悟。拔俗家。巨富。不以經意。長則仁慈好善。見老弱窮困者。惻然哀之。形於顏色。周急施惠。每大雪時。施粒食。以濟禽鳥。後遇至人傳丹訣。乃居洞中。修煉歷年。無成。鼎忽破。丹乃化為金線石。後曰徧行山園。一日至味江龍潭。又上西峯。遇道士煉丹。柯乃助其薪炭。奉事三年。寒暑不移。道士嘉其志。授以秘訣。令內修上道。外積陰功。丹成。復分遺之。柯服丹。漸覺神爽氣逸。身輕意暢。門側有栢數株。騰身而舉。已在栢杪。因此昇天而去。乃高宗儀鳳三年正月也。後其地名羅家山。鄉人為立祠焉。

唐劉德本。字孝叔。鄂州人也。好古多能。嘗篆書六經。子史家。豪貴。不求進仕。乃往來大江商販。僖宗乾符二年。黃巢陷鄂州。沿江驚擾。德本自度不能還鄉。遂携家捨舟陸行。時歲大飢餓。殍甚多。德本以所販米數萬石。盡散飢民。活者萬餘家。死者葬之。遠近推仰。已而避地五老峰。下廬江之陽。

也。一日有道者蓬頭披鹿裘來訪之。不通姓名。德本與之詩酒甚歡。久之。因把臂入深澗。忽見石頭中有老人倚杖而立。德本再拜。老人不荅。徐云。何因到此。德本具述行止。老人似有語云。可同到後院。遂相從行約四五里。再見一門。丹碧煥耀。上有金篆題曰。元景耀之門。見樓臺層列。宮室相連。守衛之士呵禁甚嚴。不許德本前進。德本但震怒不敢仰視。欲退。聞老人曰。此詠真洞天也。九天使者真王採訪人間。以汝善行。故許到此。汝當籍名。九天仙錄。度世不死矣。德本再拜曰。九天使者真王。現居何處。老人曰。汝為人方歷四世。宿業猶多。骨肉未清。未可問也。汝宜嚴持戒行。以澄瑩心神。濟物利生。真王洞鑒隱微。他日必垂接度。德本再拜謝。老人曾未踰閬。恍然不見。已還舊止。德本問道。有曰。老仙何人。曰。即詠真洞之靈官。九天使者真王之侍衛也。爾既一造神府。躬受嚴訓。吾與爾請從此別矣。德本自後徧遊五嶽名山。福地。忽一日。見綠雲瑞鶴環繞。所止。德本遂朝飛而去。當時呼為劉仙翁云。

唐韋玄字老師。疎勒國人。身衣毳袍。腰懸數百葫蘆。頂戴紗巾。手持藜杖。

常以一黑犬同行。玄宗時入中國。每施藥餌。以救人疾病。得莫不愈。玄宗重之。故稱為藥王。厥後忽謂請藥者曰。吾本上仙。為有微譴。生於異域。今以施藥濟人。功行已足。當歸天上。遂叱其犬化為黑龍。棄之冲天而去。時開元二十五年也。

唐李雲卿不知何許人也。博通經史。尤善作詩。有山房集二十卷。當時明公辟舉。皆謝不拜。每云上真高仙。必須精持戒行。陰功濟物。遂留心醫道。以救人命。心神穎悟。凡用藥。不犯生命。止以金石草木。乃謂古僂製方。術傳於後世。其間有以垂魚為藥。緣此不得輕舉。有之可以為戒也。先隱西山。後徙居廬山北昇。數州千里之地。求醫者盈門。皆不受金帛之贈。絕慾斷葷。其所居近九天使者廟。每旦暮祝曰。某以醫藥救民。病苦不圖。權利盡。未來世永無退志。明神靈通。必能加護。凡居山六十餘年。顏色黃澀。目光射人。有識者皆云。陰功所致也。一日因隨采藥入至深山中。忽睹一人圓冠紫袍。相揖曰。我此山之神也。九天使者真王傳命。以汝救物有功。使我授汝太清九華神丹。太微天帝君飛天綱步地紀。金簡玉字一通。自

此當絕迹人間。精專修持。雲卿再拜告曰。九天使者。不審可得見否。神曰。汝雖絕慾斷葷。猶接迹人間。穢氣未除。未可見也。方以手授神丹。玉字隱沒不見。雲卿由此遠離世俗。乃於聖治峯下為室。修道精勤苦行。後唐莊宗同光二年八月一日。白日仙去。

昔夷道縣。向將山下有三泉。傳云。本無此泉。居者皆苦遠汲。人多背水與之。有一女子。孤窮藍縷。無以貿易。忽有乞食人。衣破貌醜。瘡疾竟體。村人見之。無不穢惡。唯此女子。獨加哀憐。分飯飼之。乞食人曰。我感汝行善。欲思相報。汝欲何須。女荅曰。何思可報。今須之物。非君能得。乞人曰。任汝所須。曰。願此山下有水可汲。乞人乃取腰下書刀。刺山下三處。即飛泉湧出。迺便辭去。忽然不見。

昔鄞江二客者。容狀皆如三十許人。棲逆旅。共有一石碩。古紅切。紅。時以藥石救民疾苦。立効。或以錢酬之。一無所取。日於市中乞丐。所得沽酒共飲。凡十餘年。冬夏衣單。一日自相謂曰。我二人有微謹。久謫居此。施藥立功。已滿相與於東渡橋中派之上。投身江中。眾悉驚駭。沿流而下。去橋十丈。躍

出水。立波上。振衣相與而去。於舍視其石。碩。無雜物。有古鐵錢一文。識者驗是越王鑄也。

